

41

中國名山勝蹟志叢刊  
沈雲龍教授主編

百

城

烟

K928.3/38:3

漢文  
海峽

168791

中國名山勝蹟志叢刊第五輯  
沈雲龍主編

百城廛水

徐崧  
張大純輯

(三)

文海出版社

有限公司

印行

百城堊水

三

百城烟水卷之三

吳江 徐崧

輯

長洲 張大純

長洲

本吳之長洲苑唐萬歲通天元年析吳縣地置與吳縣分治郭下乾元二年置長洲軍大曆五年復爲

縣屬蘇州五代宋元明清仍

徐崧宿東城似張曾餘孝廉幾覺東城夢芸芸曉復然村莊輪稅急市鼓報魚鮮老屋三樵徑

寒谿一釣船金門雖足貴爭似著書傳辛酉冬日東城苦雨一秋終不雨十月雨偏零望野溪雲白

凭欄壁蘇青無衣詩自賦乞米帖  
誰聽杳杳孤飛雁哀鳴度遠汀

新學在郡東城

志云縣南有孔廟邑令王禹偁屬郡侯狀元柴成務爲記後無考長

洲向無學宋景定壬戌因廣化寺基爲之

吳必大有禮堂記元至正中又卽長洲驛舍建孔

廟甚隘明洪武六年邑令張翔重修夏時正記學

使戴珊輩復修嘉靖辛丑

詔毀寺之非勅建考

以福寧萬壽

寺崇敞且僧侈宜改爲學按君舒汀主之十二月

迎祀孔子凡學校所應有者建悉備朱希周記萬

曆間重修康熙壬戌學博姚彥昭文焱募修韓彭

二太史及孝廉陸在新諸君共襄其事

潘江

送姚彥昭孝廉之官長洲司教三吳名勝藝林傳畫舫看君去似仙地是昔年遊屐徧書

從廿載國門懸戴憑經席應分坐錦錠戴張鸞文章並選錢蟻洲張最喜到時多舊雨黃鶯聲裏土歌孫枝蔚同隴菴雪客過飲彥昭先生齋賦贈君樽深如北海公車業富似東方論才合並鹽梅味知命翻憐首宿香何以裁成諸弟子吳中不少狀元姚文焱辛酉秋次酬孫豹人渭樹江雲念不忘蘇臺忽覩鴈成行我慚官冷無三絕君尚飢驅走四方簪盃真如萍梗聚樽開還對菊花香故園記得追遊地步屨相過隔一坊冬日次荅徐隴菴泮水蕭蕭葑水邊門堪羅雀少廚煙生徒幾見探奇字司業誰曾送酒錢幸有徐陵攜杖入何時孺子對牀眠一編搜得山川祕徐松辛酉初不朽才名覺汝賢時既起信錄之姚冬奉贈彥昭先生芹宮遊近東城邊森森古木生寒煙紫霞映戶却如綺黃葉滿庭難作錢昔日蓮花曾象顧今朝首宿誠龍眠年餓聞道救荒暇高詠細論衡俊賢

文星閣在新學東南萬曆己丑陳邑侯其志築臺高

二丈八年江邑侯盈科倡建閣有太史徐顯卿新建文星閣記至萬曆壬子及崇禎癸酉重修又有孤竹韓原善太史陳仁錫兩碑記入清順治年間鄉貢進士吳愉文章品行爲士林冠冕執經問業者戶屢常滿弘獎後進每月朔望聚諸門人課文於閣中先後掇科第者甚夥及愉秉鐸高平己亥進士彭瓏致仕里居繼主其事生徒日衆講習益勤自是文星閣之名復大著康熙庚申繆殿元彤重修彭會狀定求復募建朝元閣時習堂規模弘整實郡城人文之勝地云

**吳适**

借友登文星閣高閣接文星招尋慰地靈交

游頭半白尊酒眼常青逸思超三古雄才役

**程邑**

往述吳門話勝遊詩壇酒社

數何必歎飄零

**先**

傑閣渺雲漢長峙城東偏傍城皆綠水繞閣多

平田村墟荷鋤叟出沒凌寒烟僧寮似碁置鐘

磬時冷然不謂閨闈中遂若別有天每攜二三子

越陌更度阡幸無禮法拘瀟洒忘周旋登臨愜素

心眺望空入艇乘輿聊倡和率意

無雕鑄但愧乏清芬漫被人世傳

吳謚

吳城東去

暫停橈一曲煙雲轉次瀟木葉飛時村舍出剝竿

倒處梵聲遙卽看粉堞明秋水長羨文星近斗杓

回首夕陽歸棹晚

徐燁禧

春暮借諸同人集文星

涼生古渡漲痕消

閣時序當三月春光已

十分賞心頗不俗良友快多聞自得煙霞

顧天朗

趣長違麋鹿羣舞雩差可竝把臂共論文

前題

偶聚成佳會相攜作勝遊

桃舍宿雨潤麥帶

晚風柔嘯傲人間世登臨最上頭憑高堪縱目逸



興繞  
滄洲 **吳愉**

前題葑水漾城隈鬱蔥佳氣來文星臨萬戶閣道值三台代是興賢日人推作

賦才素心晨夕共端不厭追陪文星閣中會諸子  
文課文星遙拱五雲中閣上奎光想像同剪刈荆  
榛來旭日栽培桃李待春風奇文共賞千秋業環  
堵還欣一畝宮英少只今誰獨步品題殊自愧宗

工 **楊瑄**

戊辰春舟泊吳門同友人登文星閣城隅展眺對芳春傑閣巍然迥絕塵憑檻應疑

到霄漢捲簾長可摘星辰千年俎豆威儀肅三月  
鶯花氣象新猶有名山異書在劍光遙燭斗牛津

**彭瓏**

壬戌上元日臞菴到文星閣有詩奉和星文  
應天地變化草木蕃不類子雲閣猶殊元禮

門傳燈欣繼照載筆喜朝元詩老觀光及亦復倒  
詞源清和望日臞菴復到閣下同觀會課有詩守

先待後愧衰年敦學無奇望九天化雨洪纖觀品  
物心燈斷續驗爐煙羹糈既見當由聖藥石頻施

敢獨賢共詫毫光騰閣

**彭定求**

孟夏望日同人會課文星閣下臞菴

頂文芒直上接星躔  
過訪賦此索和決旬講藝再踰年又值清和化雨  
天晝永綠陰濃入座香霏彩管細含煙豈同標榜

馳名譽長託羹牆近聖賢詩老  
不辭類紀勝熙時星聚正東躔  
**姚文焱**和臞庵贈彭雲翁喬

梓閣中會課諸士之作層層高閣與雲連俯瞰三

吳數點烟星聚光芒通帝座文成氣象接奎躔門

前流水心無競雨後菁莪色更鮮我

媿遭寒疎彥會傳經難比老彭賢  
**徐崧**壬戌上元過文

星閣訪雲翁訪濂太史橋梓於海至題藏高閣

凌雲起文星出使蕃我遊香水海君作聖人門瑞

靄疑南極燈光徹上元彭錢今復見壽域有翁源

孟夏望日過訪彭雲翁訪濂太史於文星閣下詩

同人文會濂翁有詩見贈次答堂堂振德盡英年

又題鵝鵝翻之况又微言出性天詩云離天乞鉢

卽境自心林共水維時從物雨和烟一家作蓮希

先聖四海交知擇大賢舉首仰看奎壁顯少微何

亦近

東躔**張大受**雨中登文星閣千霄高閣聳冒雨勝

遊稀苔滑全沾屐屐雲橫半濕衣飄蕭

幡影暗滴瀝磬音微水落疑奔澗魚游誤上磯亂

紅花片急濃綠麥苗肥百雉銜斜照千林散碧霏

斗杓光欲動願得借餘暉

萬壽庵在新學東獅子口明嘉靖間廢寺爲學移建

更名庵

有侍御凌漢翀記僧真果移此其辭山口占云疾忙收拾破袈裟檢點行囊無半些

可憐樹上新巢鶴辜負籬邊舊種花袖裏白雲歸洞口杖挑明月到天涯分付犬貓隨我去莫教流落俗人家後鶯峰覺圓繼之至蘊輝復興今均遠能詩予霖善話爲庵中之秀

姚士覺

萬壽庵和臞庵先生韻倚郭偏能靜獅林帶小溪短碑荒蘚積叢篠淡烟迷帆影到

門亂鐘聲出樹低老僧思往事指點泮宮西

姚士廣

前題竹裏一庵靜羣鴉古樹棲繞城

鷗水長隔巷土牆低地改前朝址名從昔日題老僧能話舊坐到夕陽西

張燦然

福寧初廢

後精舍徙城邊隔岸鐘聲接當檐堞影懸身棲殘雨夜魚泳落花天處處安禪得何須悵昔年張

大受

同臞庵先生過萬壽庵示予霖上人却喜猜藍近還存舊日名闍非禪月記鐘是福寧聲

細路烟橫樹清溪月傍城遊人延佇久懶散一僧迎

張志鈺

同張宿昭萬壽菴習靜無心懷

舊地是處可安禪梵語禽聲和溪花草色連小樓  
齊雄堞一樹臥龍泉更喜同張仲春風坐悄然

釋然滋

萬壽庵和宿昭廢寺開巖序新基闢鷲峰  
溪環尊者舍樹遠梵王宮雲雉連朝堞霜

鯨吼曉鐘須知無  
量壽只在萬緣空

東禪寺在新學東南吳赤烏間陳丞相

西池中  
生瑞蓮

捨宅

建名鎮國院唐大中間勅改東禪明覺寺元至正  
間燬洪武間重建內有林酒仙像卽宋異僧遇賢

也

梅珣

贈林遇賢出入常携一古藤三衣粗重貌姚  
稜嶒紅塵酒滿何曾醉知是僧中第幾僧姚

士覺

同雁庵先生過東禪寺茂苑城東古刹開婁  
婁滿目半蒿萊門迴玉帶河流急地接文星

閣影來花雨欲飄新講席烟霞猶護舊香  
臺金輪自古無消歇紅豆依然石畔栽

姚士廣

前題古刹蕭蕭葑水邊每因地近往來便蕭款荒  
 址堆殘葉岸繞寒流泛暝烟雲淡似同僧意懶月  
 孤如與客心懸同若語舊 **張燦然** 同臞翁過東禪  
 殊岑寂沉醉令人憶酒仙 **張燦然** 瞻林酒仙像東  
 郭招提傍水汀隨君幾度破苔庭棋街若個能拋  
 就醉像何年得喚醒石曰吐封堪服七袈裟帆挂  
 好揚舲辟支不似今時 **張大受** 同臞翁過東禪聞  
 衲背地中宵倒醉睡 **張大受** 隨徐孺叩禪扉綠  
 樹陰深翠滴衣石上棋殘柯已爛壺中酒盡錫借  
 飛花開紅豆驚棲鳥堂廢清溪剩落暉聞有魚蝦

傳異跡那堪  
 釣叟上寒磯

**奇葉庵在婁門內東麒麟巷康熙間釋等輪改宅建**

**鄭孝廉敷教金高士俊明為記**  
輪字善達蘇州人  
 祖父世居此地雖

市井數椽常以一龕供佛往來緇素入其室者咸  
 生道心輪數歲即投寶林履本法師出俗改宅為  
 庵後得法于岸帆際禪師稱臨濟三十四世母年  
 七十亦披薙為尼侍奉同居時有畸人唐老者青

齊間人通禪理來隱于吳三十餘年少許可獨稱  
寄葉上人不置嗟乎人之寄此生于兩間猶叢林  
一葉也可不勉哉庵前臨流水  
後殿原田規畫方恢正未有艾

**徐崧**

寄葉善達禪師發願起殿延允持法師演法  
華過訪有贈擴宅爲蘭若禪林出一枝巷偏  
流水近門曠夕陽遲養母心能了談  
經句合知法華如轉得會見葉如滋

**山塘自大津橋**

俗北渡僧

**下塘至虎丘延亘七里古名白**

**隄其水唐刺史白公樂天所鑿**

**葉襄**

齊份人招同曹秋岳申霖臣徐松之集姜如  
須山塘小隱分韻繫纜青溪上街杯草閣間

槎枒荒樹老慘淡凍雲斑客盡東南轍  
人逢大小山天涯鉦鼓盛相對一開顏  
**潘陸**十月朔山

塘同李研齋梅杓司毛蓋臣徐松之看無祀會  
趨人好鬼風俗自年年百戲陳通國羣神冠進賢

氣暄秋雁後花晚嶺梅先  
不斷山塘路香飄遊女船  
**徐崧**八月十七日山塘  
遇揚亦康尤尺威

我適山塘寺君歸閭闔城回頭驚忽遇携手喜同行  
古樹清風起勞人白髮生相逢還欲別日暮不勝情  
十月朔山塘同研齋杓司蓋臣江如看無祀會分賦  
蕭瑟冬方始迎神出郭門逢橋行愈密倚棹看何喧  
鼓吹還終日旌旗又幾村誰當無祀祭能不感蘋蘩  
壬寅十月朔遇青印禪師看無祀會霜落今朝始山塘  
忽見君故交殊寂寂遊舫自紛紛馬足寧堪近笳聲  
不可聞何如楓葉下臨水坐

斜曛

白椎庵在鴨脚浜初名清照明萬曆間湛明法師建  
文湛持太史爲書晉生公放生處更今名湛之徒  
聞照傳衣蒼雪繼住順治末聞之徒雪鄰傳衣玄  
道住持

顧夢游

過白椎訪聞照上人秋尋隨小艇木盡到  
山家竹氣暗晴日楓林明夕霞一庭堆落

葉何代種梅花供客  
無他物香生雪色茶

**徐崧**

過白惟遇曉庵同雪鄰  
觀日維新葺船端敬賦

精舍似山家綠溪石徑斜炊烟連暮靄隴樹隔晴

霞村瞑門初掩籬秋葉不遶何期支遁過設茗對

燈花雨阻白椎同曉庵雪鄰觀日作我道隨行止

安心卽故鄉烹泉鑪宿火禮佛衲焚香路淨飄黃

葉天陰望夕陽來朝分手去祇恐客衣涼再宿白

椎贈雪鄰復此鳧溪宿精藍不覺深禪燈懸佛面

秋月見天心露冷松俱濕烟迷磬欲沉知君方肯

搆幾度抱寒衾雪鄰掩關白椎書華嚴經賦贈知

君持誦入花下掩禪關開卷一心靜揮毫盡日間

自應遊注海何止鎮名山重到鳧溪冷柴門落葉

間白椎候晤舍光法師聞說談經世所稀因緣何

事與時違知君寄跡重相訪暮雨霏微尚未歸

釋照瓊徐臚庵先生過訪白椎留宿賦村居耽寂

寞啓戶爲良朋雲氣朝來薄溪聲雨後增

高談忘夜漏幽思在寒燈

攬勝知君徧追隨愧未能

樂橋吳赤烏二年建元至正六年李道寧重修會稽



楊維禎記

正坊才六

徐崧

丁巳答訪定九先生不值有作聞君來茂苑未識主誰家夜暖烟凝巷朝晴露濕花十年

書札久千里客程除無奈相逢日春風兩鬢華已未春宗梅岑醴陵橋梓邀飲寓樓篋裏芙蓉集無人每獨吟夢當春雨夜遊共歲寒心遠客翻爲主初晴尚帶陰何期纔把臂相勸酒杯深

宗元

鼎

已未春松之以詩過訪次韻共說金閨好羈愁獨憶家晴泥還滯履雨氣欲蒸花烟水人初到

旗亭酒可賒天涯逢我輩切莫負春華

正修講院在虎丘東崇禎末吳縣令牛若麟生祠順

治初爲陸履長孝廉垂簾處今額正心書院

陳三島

同松之過履長孝廉卜肆孝廉能大隱旅次一僧寮卜效君平肆詩吟對酌橋松花

沾野服榆葉酒空飄風雨何人至同過話寂寥徐崧同鶴客過履常明府

卜肆烽火驚方息絃

歌責已虛無家亡已欲去髮號庚除水店花村近  
山祠酒客疎爲將忠孝意閒論及樵漁辛亥中秋  
祠中遇友人自爲牛公建先賢列講臺垂簾何處  
去賣藥有人來海湧月猶好山塘花正開喜逢知  
已在掛笠  
共徘徊

### 普福寺在山塘宋淳熙間僧文誠建

徐崧

辛亥中秋同青印無依兩禪師過普福寺訪  
法鏡禪師流覽當佳節悠悠聽此身廢興千  
載寺來往白堤人壁映青霞紫庭飄  
細葉新無端成邂逅杯茗亦良因

### 青松庵在葑門內天賜莊一名慈航庵順治十六年

建

釋無能北京人徧融大師所度徒也天啓六年  
自武林苦行埋屍徒世空衲心俱紹興人繼之  
於吳之葑門結屋置航收瘞殍溺寒暑不輟每歲  
有功德簿以記其數自始至今將及萬計又無能  
之徒悅然寧波人順治己亥遂起大殿悅然之徒  
石執得法于費和尚之嗣古風其徒三解休函谷

純一函谷徒若愚蘇州人能詩  
純一徒斷疑寧波人監院事

**徐崧**辛酉秋日重過慈航庵因憶舊日同遊陳皇  
土老衲今存否低眉度世氛牆陰移砌草磨

響出松雲淺水城濠澗斜陽野**汪棖**同驪翁贈若  
艇分舊遊還憶得杯茗共陳羣

禪樓靜慈航世澤重傳衣饒白足種樹老青松徑  
傍城隅水僧歸月下鐘采葑應有意詩卷許過從

**釋寂智**癸亥夏松之異三兩先生枉過次蒼空谷  
登然處苔痕破幾重詩懷留白社鶴意寄

青松碧水明斜日閒雲度晚  
鐘茶瓜應自愧何以慰過從

**關帝廟在臥龍街東宋淳熙間建**初甚隘明弘治壬  
戌重修萬曆甲申

丙辰己未累修始大崇禎戊寅陳公仁錫  
倡增祭田清順治丙申康熙戊午又修

**徐崧**關帝廟訪李天木鍊師勝跡仙踪寄水涯迢  
迢應是上清家壺中搗藥流明月鶴背吹簫

度紫霞著就丹書文最古傳來新詠句堪  
誇偶居城市緣何幸幾度閒過話日斜

遠耀堂在葑門內織造府東明陳文莊公諱仁錫堂

名

順治初其長公太僕皇士諱濟生助刻詩南初集余常寓焉

陳濟生

中秋後五日招同人集遠耀堂桂花下分韻空庭秋色正紛披叢桂偏教憶故知敢

擬開樽齊北海相將作賦賞南皮花隨笑語聞香細人傍琴書待月遲還憶小山共招飲坐殘風露滿荒籬

徐崧

同友人訪陳太僕皇士斜日片帆舒風籬生到郡初隔湖三十里經歲幾行書細

柳維輕艇高槐憶舊廬無窮懷友意相訪正踟躕遠耀堂掩關詩爲皇士賦元龍天下士閉戶傍溪流風月閒中伴山川夢裏遊著書蓬滿徑消暑竹遮樓熱客無勞問相期在素秋寄懷陳皇士故人百里隔春波寧識思君有夢過空館夜深清露濕荒村天遠白雲多花含燮雨皆如醉鳥踏芳林獨似歌繾綣欲期相見日溪邊當看貼新荷十月初旬聞陳太僕皇士歸葬山中苦未能送詩以饒之當年太僕愛垂綸滿目風波聽此身感遇忽驚崔浩史悼亡又喪武陵人須知峻節難標榜那許高

名易隱淪不覺憂傷頭遂白漫同弱草墮輕塵又  
冥漠君經二十秋蕭條葑水斷羊求衣冠舊像功  
何在忠節遺詩禍已休席上琴樽誰識賞山中花  
月罷遨遊遺孤聞道能成立今日方歸土一丘

無夢園在孔夫子巷陳太史芝臺諱仁錫公別墅其  
自署齋聯云流水之間心自得浮雲以外夢俱無  
中有息浪見龍峰諸勝公有無夢園文集行世康  
熙辛酉次公爾興重加修築

徐崧

辛酉秋同重其過訪陳爾興於無夢園自別  
元方後相過廿載心愛才詩獨賞

話舊酒類斟榻臥綠香水樓觀擁茂林  
昨宵九可異先向夢中尋

昨夢訪蘇文

依園在閩丘坊南顧逸圃宅後圃也中有一丘相傳

爲梁時妙嚴公主墓

逸圃爲松交銓部第七子年  
未二十風雅豪邁約同志金

亦陶侃潘雙南鏐曹德培基黃憲尹玠金筮文肯  
蔡右宣元翼調唱往還曾子青黎徐子藥庵選其  
詩付梓稱  
依爾七子

**徐崧**

辛酉夏日同犀月過訪顧逸圃留飲夜宿依  
園誰似依園裏猶留勝蹟妍有妙韻吟能通

七子飲便集羣賢愛月庭中坐看花石上眠才高  
情爛漫羨爾正青年又始過隨留宿禽鳴曉夢餘

林深迷霧雨晝永弄琴書剝啄門頻啓  
蒙茸草不除木瓜纔景景誰爲報瓊瑤  
**俞瑒**同徐

道長過訪顧逸圃依園與諸同人月下雅集二首  
握手探幽勝芳園散晚涼主人真好客四座半他

方寶劒橫空照清琴映月張披襟共歡譁都覺世  
情忘又涼月照層軒談深靜不喧幸懸孺子榻同

醉辟疆園竹露滴苔砌梧陰生  
粉垣明朝暫須別雙鯉莫弄煩  
**顧嗣協**依園雜詠之二自得

貧居趣簞瓢亦可安客逢無揖讓性懶畏衣冠窓  
月生詩思庭花助酒歡近來差免俗種竹一千竿

又一室容高臥推窓面面開庭閒知晝永心靜覺  
風來竹影低水簾桐陰落酒盃片雲消暑盡更喜

德慶庵在利字圩天龍庵後元至正間釋建建後廢天啓元年重建順治辛丑延濟宗石庵禪師居之安觀察世鼎助資修建師於康熙丁巳繼席福嚴辛酉春復退隱焉

徐崧

丙辰八月十九日過德慶庵略約當門識者稀刺竿隱隱帶朝暉來過雨後仍秋熱留我

香齋一解衣廿二日宿德慶庵贈石庵禪師十年兼錫隱城東禮佛栽田自古風豈是知希爲我貴靈機不落見聞中

文殊菴在芙蓉涇東岸

歲字圩

萬曆間釋東明曉開山

先是只觀音堂一進虎丘萬佛閣直香燈僧始居於此

陸某建文殊殿

陸氏小溪

三次朝五臺未  
得至故發是願

天啓壬戌丘靜舒復建華嚴殿

即天

民之尊人別號仰  
村後入鄉賢祠

康熙丙辰募修里人倪彤文爲

疏

倪煒

辛酉秋同臞翁過文殊庵訪自公路出荅江上精廬此處幽故人同散步老衲話離愁鱗

目蒼篔色驚心紅藥秋徂

徐崧

文殊庵次古栢上人夏日村居韻憶

徂初地久不覺日西流昔高僧有鳥窠如君寄跡隱林阿雲開野樹惟山入夜靜漁舟載月過問法只須吹破衲種田畢竟有良禾偶遊虎阜來經此閒向薰風共嘯歌

惜字塔院康熙己未石樹岳禪師遺資唐邢若助置

卽王府基西天王堂左從舍也

徐崧

文字舍利塔詩贈石樹禪師吾道憑文字浮圖行不虛香雲生落紙寶月吐殘書幸不焚



雙蟻還應檢蠹魚，鐵蓮花發處舍利自如如。  
又風流雲散蹟堪哀，般若文光現紙灰。陸地生蓮能

著始知鐵樹亦花開。  
**唐景宋**同臆廡過惜字塔院作精藍寶藏未云遲清淨還依舊府基吾

友志存身死後，即今言踐事成時。籠中具惜文章，  
貴火裏能全物命。慈魂魄自然安此地，更將宰堵

築於斯

**臥雪齋一額霜** 哺在葑門上塘新造橋西，哀重其養

母處

**范允臨**臥雪高踪不可攀，臨池塚筆漫承歡。聊將覩水供甘毳，寫盡芭蕉葉未乾。**陳仁**

**錫**孝哉袁子弱冠形癯室既如磬，夔亦無儲以硯。作田以管作鋤，朝種暮割一米一珠，背負手炊。

時慰倚闌歲宴相過雪滿**魏浣初**匪為翼兩雛寧，吾廬豈借呵凍喜為爾書。

方自曷日課數十紙食**吳偉業**被髮提壺痛昔年，報竟於斯白頭慰所倚。

伯通廡下五憶篇

獨憐此夜悲霜苦  
強著斑衣戲母前

佛華禪院

本高氏園

在采雲里北冶坊浜內順治辛丑立

墓剖禪師開山

因西逝後將欲別售

康熙十年印先禪師置

建

卽剖和尚手度弟子

癸丑鼎建大殿甲寅建兩廂客堂及

山門廚庫乙卯建齋堂菜園等寮今又將建韋馱

殿大悲寶閣安禪說戒以續天山之正傳李侍御

模手爲題疏云吳趨善友現給孤身歸汶陽之田

印先禪師披堅固鎧建寶王之刹立已倒之刹竿

恢不終之緒業爲寶錄云

孟亮揆

過佛華庵和壁間韻贈印先大師百折香巖地當門一水通山漆螺髻翠花映佛燈

紅秋老風塵外人來梵唄中無生誰共話揮塵有

支公又雙樹依然在重來感歲華修篁穿仄徑殘

芟漾明沙法座晴飛雨山門晚宋寶穎驪庵道兄

帶霞迦陵如可問塔下湧曇花索贈佛華

印先大師詩和孟官諭韻五葉開花處門前法水

通蘭金不待布雪火自然紅佛坐雲山外人來冷

淡中清言得二仲妙義繼生公又寂寞南州老相

逢話佛華客來安襍被僧去現河沙破屋飛桐葉

殘香漾晚霞與君他費密佛華禪院過印先大師

日訪明月映蓮花烟封野市壓琳宮請得

盧能手種松晚食自依藤徐崧癸亥冬過佛華庵

杖立樓臺無數夕陽中贈印先大師兼似

戒燈諸開士冬霧朝暉暖復晴揮鋤老衲帶雲耕

野田何處齋鐘起松栢林邊現化城又焚香禮佛

掩禪扉曲徑殘園到者稀閒坐釋同揆次體菴居

芙蓉亭畔石方塘一片竹林圍士韻似佛

華印先大師藤梢櫛刺半陰晴石罅開田鳥雀啾

倚杖梵天飄法雨日毫光滿闔閭城又靜掩松溪

白板扉苔痕鶴跡客來稀欲知

挂拂經行處屋角梧桐六十圍

圓妙觀在宮巷北初自晉咸寧二年名真慶道院

李選

知常在內焚

修復其役

唐玄宗二年更名開元宮欽賜內帑

重修

建中間住持張誠德與陸龜蒙結方外友

宋祥符五年賜額天慶

觀

勅李志昇爲左階道錄主之賜內帑建東西南北四廡壁繪三十二天宮勝景王侍宸屢奉恩

詔王禹偁有記徽宗宣和七年頒賜崑山縣全吳等鄉良田五十頃充天慶香火田御書有著內侍朱彥真昭宣朕意云云至高孝兩廟張皮雀步雲罡莫月鼎何篋衣相繼太揚道法建炎兵

燬紹興十六年郡守王煥重建淳熙六年復燬郡

守陳峴復修

年燬有重建三清殿及三門碑記

寶祐景定間住持

嚴守柔蔣處仁重修元元貞元年改賜今額羽士

嚴煥文張善淵又修

時左轄朱文清大施捨觀遂甲吳中

左有玉皇

神州五路天醫真官真武三元梓潼張仙三茅機

房關帝東嶽鄴都十王淨樂等殿右有雷尊五雷

觀音三官八仙靈寶轉藏等殿後有蓑衣賢聖高

真方丈等殿

東廡有通神庵爲蓑衣何真人所居常顯靈跡宋孝宗召赴行在賞賚甚

厚淳熙三年左衛道錄李若濟奉命建亦御書額其所轄基周廣五百畝

至正間觀又燬明洪武初清理道教爲正一叢林

置道紀司

舊有宋孝宗御書金闕寥陽額之三清大殿爲習儀祝釐之所

宣德間

殿廡漸次修建羽士張宗繼募建彌羅寶閣

供禮玉皇

正統三年周公忱况公鍾因旱禱雨於觀有驗首

捐俸委都紀郭貴謙鳩工市材衆助落成

胡淡有記并請

賜藏 成化丁未道士韓執中募建五嶽樓

玉峰李傑記

萬曆三十年閣圯

其五路張仙淨樂鄧都十王高真轉藏靈寶八仙五雷等殿亦

尋廢順治初三清殿亦圯里人魯芳矢願募建請穹

窿施度師道淵經營成之并建雷尊殿天王殿

吳偉

業有記康熙丙午道紀陶弘化募巡撫韓公重建五

岳樓又募席氏及衆姓重建東岳殿四廡三十六

案七十二司

金之俊有記

甲寅年道淵復建彌羅寶閣

慕公首爲倡助

施就篋衣道房供頓爲方丈畢力經營金錢雲集

十四年

閣成巍然雲表

觀中歷代所出有冠謙之王侍宸張皮雀莫月鼎步雲罡何篋衣周

鶴林張洞元諸真舊有吳道子老君像唐玄宗御贊顏魯公書通神庵有宋高孝二廟問安書及金

字牙牌今  
皆不存

**徐崧**

壬寅六月十五夜同吳正始遊玄妙觀時施亮生度師祈雨恒雨昔既苦恒暘今更難千

人喧月殿十日多雷壇道法非無驗天心未肯寬  
吾儕宜畏懼勿作冶遊看同王築岳登彌羅寶閣  
歲暮過仙觀巍然寶閣雄燈光搖碧落香霧霽寒  
空迥出三清上迴看一郡中森羅都在眼誰不歎

神**李貺**

登五岳樓贈陶鍊師我亦名山愛臥遊楚烟吳水日悠悠紫霄倘有群仙下應在陶

家五岳樓**朱陵**

和雁庵登五嶽樓韻贈陶鍊師知己相看盡白頭自憐婚嫁尚牽愁得君攜挈

閒登眺已當遊**陸來**

玄妙觀贈陶鍊師杖藜何處覓名山處處遊仙桃玉洞飛花近市橋終簡書

傳開石室步虛聲響接雲霄香生寶鼎丹初轉名列蓬壺路不通讀罷黃庭佳客至星壇可許挂詩瓢  
**徐秉義**陶鍊師東岳殿落成時當夏日索詩贈之誰似居塵不染塵壺中六月有水輪

至今猶憶陶弘景  
滿院松風不賣人  
**李聖芝**玄妙觀羽客閒談化鶴年  
柳霄惟藉玉爐烟星

壇藥竈依然在鍊得丹房後個仙又蔡經仙後日如梭可有松喬駕鶴過蕪得滿城油壁亂靚粧來  
看步  
虛歌

育嬰堂在雷尊殿西卽靈雨壇舊址康熙十三年郡人蔣德埭許定升等憫窮民遺棄子女呈郡侯高公暉詳憲募公丁公建收養遺孩月給乳母好善

者迭司其事刻有出入彙記冊

陸堦同徐松之遊玄妙觀育嬰堂堂構清幽掌籍齊盡將施捨姓名題書齋飯罷春光好閑與

高人一杖藜又發發朱魚水一泓何知海闊與天空可憐後許嬰兒命總在諸君始念中

昭慶寺在大儒里元建其詳載虞集黃潛手書碑記

後廢爲民居崇禎丁丑僧守素暨婁東黃翼聖購



復

黃承聖

復昭慶寺調寄天仙子 慨自名藍當日廢  
算來百載滄桑異庵居尚有石臺存芟亂

竹經營始愛憇十圍銀杏樹 三四衲僧攜供具  
佛火經營聲斜照裏茶烟翠映竹間房乘願力分明

是試看虞

黃兩碑記

王府基

偽吳張士誠所都之地

在臥龍街東

明初郡守魏觀即建府治高啓作上

梁文中有龍盤虎踞語太祖以啟宮詞有小犬隔  
花空吠影夜淡宮禁有誰來之句欲加之罪乃罪  
其文為不軌與魏觀同置大辟後移建府治於元  
都水使署基故是基至今民不敢居閱野史士誠  
最好文學開賓賢館招來俊彥至者如婦及其亡  
也自無一人死難藍田縣丞王澤哀之詩曰天星  
散落水犀軍又見蘇臺走鹿群睥睨金湯空自固  
倉皇玉石竟俱焚將軍只合田橫死義士寧無豫  
讓聞風兩年年寒食  
節麥孟誰灑太妃墳

**徐昌穀**

過僑周故宮遺址自畏時譏掩口吟文章

萬里心

又城外旌旗蔽日塵竇筵歌酒自遠巡小

兒未有

平淮捷慚愧圍碁晉室臣賦誠健寶賢

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

難禁綺羅

一把咸陽火猶是豪英慷慨心

寫成因長洲

**汪撰**

和前題間向遺基感廢典西風野菜

一片斷

和前題間向遺基感廢典西風野菜

露遠燈地

禁民屋偏傍市堂仍王額半歸

僧淮張滅

後無千載不及吳宮剩寢陵

竹堂寺

以竹盛名

在王府基東南宋將楊和王

名沂中

別墅

元陸志寧爲園居後捨爲庵號大林

明初廢

有內侍

來得之宣德間弘此宗

滇南僧

奏爲寺賜額正覺

地始

百福暄祖鎮相繼

弘治吳寬正德徐源俱有記壁有唐寅畫達磨像并書贊

徐崧

過竹堂寺有感蔬圃青青半寺基老僧寥落水畔豈曾新種竹墻間應剩未殘碑空門盡道能消遣如此滄桑亦可悲黃承聖

同徐松之

陳鶴客過竹堂寺荒頽西近故宮基不見前賢最勝時樹色映花頻置酒鶯聲和管共題詩名園隔

代成僧舍廢寺何人憶習池高士

張大純

同羅翁開步正

同來春正霽輕風淡蕩水連漪覺寺步屨尋春野寺邊楊和王跡已蕭然山光半入松麋滂鳥語空飄榆莢錢兩滴落花殘瓦外風

搖細竹剝碑前偉長莫話滄桑事故國銅駝正可憐

甘露庵在半塘普福寺東崇禎初僧徹如募建

初爲魏瑞

生祠魏敗長洲令宋繼登春令鬻於富姓曹某靜起禪師繼之三昧律師

開戒於此康熙間彌邵法師住時藩司慕公建前

殿後閣甲寅歲慕公延風上禪師繼住澹池更建

廚房齋堂客堂

已未退院

淨起之徒觀成輩繼之建天

王殿壬戌道安和上憩錫

師餘姚鄭氏本名諸生有制義諸選行世後出

家得法於林老人歷住諸刹隱居京都二十餘年

徐崧

宿甘露似風上禪師寒宵一宿借雲高途路遠應客過多却羨有人浮釣艇一天明月唱

吳歌乙卯冬日過甘露悼節在禪師山塘日落竹

扉開我至還應作賦才誰料拊棺終不道惟聞孝

子哭哀哀闢樹凋葉落北風涼甘露經冬曉有

霜須信節公無不在非徒宛水是家鄉甘露訪道

安法叔和尚喜遇齋輪法兄遇賢今復見過此一  
垂綸斟酌橋邊酒通玄劫外春鶯花由老衲風雨  
付行人誰是同條  
者當年共隱淪

**海珠庵**在半塘下岸康熙辛酉粵人簡麗初爲澹歸

**禪師建**今其侍者東莞寄崖禪師憩錫澹歸原名金堡得法

於洞宗天然禪師壬戌八月九日歿於平湖陸氏  
園中歸骨廬山之棲賢簡麗初廣州東莞人萬曆  
甲寅生與澹公同庚年七十癸亥二月四日歿  
月出家海珠乘戒華山四月四日歿

**徐崧**巴未中元日半塘方丈贈澹歸和尚虎阜諺  
吳地山塘後越人短垣穿古寺破衲老孤臣

得法聊歸隱論文不厭真釋今釋龐庵居士過訪  
回看三十載恍惚夢中身釋今釋半塘有詩見贈  
卽次原韻蘭外無餘地蘆中得此人橫經長作客  
釣澤瀨稱臣識泯山雲幻心空風雅真往來能自

信見影  
不疑身

衛道觀在新學北元初鄧道樞建

鄧蜀人以教法顯於理度兩朝宋亡

遊吳得上官氏廢園築成名會道觀

明弘治中法師張復淳重建

京祝

光允明爲記

嘉靖辛丑直指舒公汀遷長洲學於萬壽

寺形家言觀當學玄武爲外衛邑令吳世良重修

更今名

嚴文靖公訥爲記

康熙丙午法師周弘教重開山

擴建堂宇鼎建三清大殿東爲東華堂申文定公

讀書處西爲西華堂王太常時敏書額

鄭敷教有記先是堂

中有額曰可與弘教五十三代天師張洪任贈本觀法師周世德者後十餘年而周君興復院事於

應其名或以爲有先幾云

申時行

重遊衛道觀青蘊憶昔傍丹丘此日重來勝地幽別去不知金竈冷歸來仍伴赤松

遊螢囊照夜看猶在鶴馭乘雲逝不留  
漫為朱顏求大藥且教白首臥滄洲

**徐崧**

重過

觀倬周雲岫法師五千傳後玄言盡誰與人問一  
指迷月到講臺鐘漸歇春來仙院鳥頻啼白雲影

裏揮松塵翠岫光中曳杖藜今日  
重遊君不見洞房塵鎖草萋萋

**馬衍**

訪友蓮法

贈我欲黃冠去頭顱已不堪可能無蒜髮亦得假  
星簪請法尋仙侶傾心候塵談只留看院鶴惆悵

返城  
**張幾**同焦焦占俞犀月過孫大來寓齋茶話

外不關塵世事案頭惟有養生篇鹿蕉夢醒清鐘  
曉花兩香分覺楚天攜得好茶常自煮客來不厭

泉  
汲春

**回真道院在懸橋巷宋咸淳二年**朝真**沈道祥建**明

鶴林周玄真居葑門外報恩  
派演十三房回真其一也

**正殿崇祀玄武中肖**

**回道人像**傳道人過隔垣酒肆啖麵訖去歸院償  
錢童子隨之忽不見仰見塑像麵猶沾

唇云

住持于自清與吳文定公寬善擬建一樓文

定手書望鶴樓額嘉靖九年詔毀淫祠于請有司

給帖得免隆慶己巳徒孫徐惟謹建樓

樓成果有羣鶴來繞

前爲三元閣崇禎乙亥里人郭從儀建天啓癸亥

正殿圯羽士宋道隆重修順治己丑鄭秉中與其

師吳敏真弟孫世淳徒周弘教積貲重建正殿鄭

孝廉敷教有記康熙壬子弘教徒李允昇建斗母

閣

未竟而殂

弘教落成之乙卯又廓西民居建天倪堂

從屋廚漏皆備

李實

贈周友蓮鍊師古聖液已久三教多失真區區學步徒識者爲酸辛吾善友蓮子心虔致



明神仙宮耀金碧海鶴棲松筠霖雨兩彌  
野催花花散茵期分洞天液會我同子春

申詒芳

寄懷友蓮師餐霞子香案臣謫來人世苦埃塵蓬  
島覓伴不可得仙侶乃在咫尺之回真鬢眉鬱蒼  
茂叔裔目若懸珠曼倩倫身披紫烟衣頭著華陽  
巾有時掩戶雲垂幙有時臥石花鋪茵醉我中山  
千日酒不顧帝傍玉女與一朝鸞

徐崧

前題欲與蓮花作主

雀瑤京至兩人拍手大笑同飛身  
貧瀛溪茂叔定前身紫霄鶴下山頭曉朱草花開  
谷口春扣石洞門穿月殿登壇風雨灌雷也流傳  
便是神仙事得

鄭霖

乙丑春同徐貞立訪友蓮師  
道休疑隔兩塵

徑鳥能語一爐烟欲然往還惟野雀結  
契有池蓮頓覺煩襟釋投詩贈列仙

# 荷花蕩在葑門外二里其東南接皇天蕩

張遠

癸亥六月廿四遊荷花蕩同松之藥亭兩先  
生分賦調得南歌子六月今將盡荷香分外

清說將故事與郎聽道是荷花生日要行行  
膩烏雲浸珠勻細葛輕手遮西日聽彈箏買得殘

花歸去

**徐崧**

汪淡洋我武昆弟載遊荷花蕩漫賦  
風谷何午起我吳鏡移畫舫醉烟波

傾城盡爲荷生日曾對荷花一朵無又安得湖風  
撲面涼西還最苦是斜陽遙看倘更逢詩侶不爲

鄰舟竊  
窺娘

**無量壽寺距齊門城北一里宋熙寧間爲法主淨梵**

宇治之嘉禾通慧鎮人俗姓竺來自本郡大慈終  
於大慈至正癸卯遠孫如實作傳已未釋餘譯誤  
無量壽院記如實**講訓之所**其地東西廣一百二  
立石兩碑尚存

殿嵯岷迴廊繚  
繞初併北禪

**正統辛酉釋普信請得今額**

號無  
得江

右建昌新城人先住本邑妙法禪  
寺丙寅十月詣席關法衆五千指

**關山門建天王**

**殿增廣垣宇戊辰孟夏立石里紳卓禮讓碑記**正  
德

已卯昇曉窓石刻錢  
豕宰詩都穆爲跋

**崇禎間素純法師**

天台  
教**與其**

子天成禪師

弘覺老人法嗣

曾駐錫焉

素純遇亂被害天

蓋康熙己酉夏延可生慈禪師開法

古南牧老人嗣新安程氏

壬子起大悲殿庚申修大殿乙丑夏師示寂

將開維建

塔於寺後孟侍講亮揆為塔銘

恣庵相禪師繼之

姚廣孝

贈無量東白禪師齊女門邊古佛祠小橋流水樹參差偶來看竹逢佳土指點園林

話舊錢溥

東白昔副教愆郡時與余忘年友沒葬龍山四十年矣偶過無量知其受業之

所而為之慨然成化庚子仲冬十九日偶携蘭棹出齊門落木蕭蕭暮雨昏無量有僧曾受業却思

東白暗消魂

釋通門

無量寺懷舊齊女門開去路頻廿年行脚太艱辛重來古寺開房坐

日對秋陰憶友生又香積野邊盡種菱山門猶自待人與一珠銀杏還如昔碧葉秋空布幾層又悠

悠世事太生忙鴻雁南飛露結霜記得北風吹水夜故人攜我宿慈庄

徐松

宿無量寺豐木

堂呈可生和尚及恣庵禪師寺中鴨脚樹參天八  
載重過話舊綠黃葉滿庭寒月照借將禪榻一宵  
眠又逢人常豎一空拳老樹枝頭曉日懸侍者莫  
將黃葉掃不妨留作止啼錢又古寺禪床杖履閒  
輪囷老樹出庭間重過正值釋行慈法姪周恕庵  
初晴夜搔首青天月一灣釋超相太史過訪老  
樹畜庭覆影涼十年垂釣對滄浪裴釋超相木堂  
休已自師黃葉又復移舟叩草堂釋超相木堂  
圖高僧曾隱處師坐繼前朝樹老瘦多結碑殘記  
未消客喧城外市舟滿渡頭橋獨此虛堂靜清風

洗俗  
罰

官浦前近吳淞江隔江南岸卽吳江也自夾至黃云  
有七十二浦明嘉隆間有沈公林徐公道登皆進  
士第爲顯官然浦名已久不以此兩人也或云向  
來漕船由此故名

徐崧

巴未秋杪過官浦同戴耘野程杓石麗扶九  
暨昭兒謁都憲繩齋沈公像巨石坊猶圯荒

祠像已遷弱羽隳蒙塵鬚半落委地足相連青草  
沿塘浦黃腸隔柱攢至今都憲地舊額宅東邊  
程棟前題碩德追先正遺祠半草萊客同袍笏  
古功並蜀黔推石砌荒碑蘚松流遠岸隈

百年都憲地  
過客共徘徊

沙湖堤去婁門東二十餘里明弘治丙辰工部主事

姚文灝築廣三丈袤三百六十丈郎中傅潮代竣

其工吳寬爲記

徐崧

過沙湖口十月還鄉路洪濤捲朔風漸愁堤  
盡圯溪憶築時功水過蕪田春年荒草舍空

垂綸何處好  
徐令昭前題昔年堤未築客舫畏風  
江上有漁翁波今日堤將圯官塘柰尔何

戍橋秋雨細村樹野烟和  
安得仍修復輕帆聽棹歌

東園在閶門外下塘徐回卿秦時建

石屏高三丈濶可二十丈玲瓏

峭削了無斷續痕周生時臣所堆也堂側有土壠甚高多古木壠上太湖石一座名瑞雲峯高三丈餘相傳爲朱勔所鑿取纔移舟中石盤忽沉湖底覓之不得遂未果行後爲南潯董氏構去載至中流船亦覆沒於是打桶數百隻圍石於湖中汲水至乾不意石盤亦在因併得之移置園中用葱數百担鋪街上藉滑而行破屋傾墻真豪舉也

姜埭

已亥秋日遊徐氏東園徐氏園林在招尋獨倚筇三吳金谷地萬古瑞雲峰宿莽依寒厓

重潭伏螫龍西園花更好香帳起南宗又憶弟看雲日飄零滿地愁烽烟迷古戍花草轉皇州作客猶初夏携家及暮秋向來登眺意憔悴仲宣樓又地接蒼山遠年催白髮新登臨興廢眼離亂死生身秋水有孤鷺寒塘無幾人

徐崧

題瑞雲峰一片瓊瓏石神功詎

渡江諸弟子隨意五湖春  
珠成瑞分芝草秀奇合夏雲生未肯隨朱  
勔還應傍向卿至今荒壠上劍水氣英英

戒幢律院在冶坊浜東舊爲徐太僕西園子工部溶  
捨爲復古歸原寺崇禎八年延報國茂林祇律師  
開山改今名茂歿建全身塔於此嗣戒初勗公繼  
之付律二人長不二全次誠敬月今語錄改  
字澄清後月  
公復叅雪竇石老人受囑全公住後康熙二年月  
公開法本寺至乙丑夏郡紳士復延月公法嗣天

資粹禪師繼席

天資山  
陰姚氏

徐崧

時寓東園晚過西園作西園跬步近日晚偶  
過從不料清歌地還瞻古佛容露光千樹月

風度一聲鐘惆悵依人世紛紛總向空十月朔日  
同李研齋太史及梅杓司毛蓋臣諸君再過西園  
口占相將令節拚終日乘興西園一度遊莫道女  
郎無解事也從門外泊蘭舟同友人從楓江過西

園贈誠敬禪師杯酒留歡興尚賒吟詩種菊幾人  
家檻前流水隨山綠樹杪征帆帶日斜忽聽鐘聲

來古寺徐看杖影度三車西林

**艾丹生**

暮春西園晚眺闔闔

惠遠家風別不與同流鬪麗華  
門西去祇園芳樹稠鐘聲出高閣山色到平丘舊

隱南鄰接重來白髮愁可堪念闔閭淡夜倚登樓

**吳士縉**

前題東墅花光盡西園樹色淡落霞明遠翠斜照破輕陰坐久

南內家寺及西德生詩思吟餘聽梵音春

**江接芹**

春殘花事少碧葉覆園淡鳥語欣初

殘猶足樂尚可訂幽尋  
齊人情愛梵音疎鐘流古渡空翠

**釋超粹**

初夏幽居靜聽

接遙岑坐久渾志返幽香襲我襟  
松濤起悠然青翠中喜看新燕語忍聽落花風雨  
過嵩房冷雲開曲徑空閒來無一事客至始相通

**壽聖教寺在半塘中有稚兒塔晉道生有童子能誦**

**法華經死葬此義熙十一年商人謝本夜聞誦經**

**聲且見墳生青蓮花事聞詔建塔有宋魏憲重修**



稚兒塔記名法華院宋治平間賜今額紹興七年  
重建明崇禎癸未重建毘盧閣巡撫黃希憲有碑  
記清康熙初修方伯彭年又修寺有元僧善繼血  
書華嚴大部宋景濂題

鄭思肖

宿半塘寺一襟清氣足此夜豈人寰醉影  
松杉下吟身風露間秋懸當殿月雲宿近

城山明發騎鯨  
去飄然不可攀

徐崧

送均寶和尚住半塘寺同偶  
僧賦半塘高閣迥遙望出平

林桂老花初放舟行水正淡書經鴻爪跡聽講雉  
兒心爲憶生公後寥寥直至今又白堤繁盛地師

到是空山自欲無言說何妨任往還刈茅施  
竹榻扶杖掩柴關堪笑今時者茫茫世路難杜濬

上半塘寺閣歸程纔百里又作半塘遊萍梗難離  
寺徐客百餘日關河夢倚樓窗虛宜放眼山好不

禁愁可歎人如織惟知上虎丘又山色當東北烟  
光無片雲殘陽何處盡落木下方聞吳寺憑垂柳

唐碑臥斷文荒溪原  
可愛莫遣又移軍  
**釋行水**  
徐松之沈偶僧兩居

聖寺有詩奉和  
蒲團猶未暖頃復謝香林  
理性非高下  
人情有淺深  
一枝聊奇跡  
諸事已休心  
頑石

元成佛何須講古今  
又斯道當秋晚  
知音尚可尊  
經翻聞野雉  
吐悟雲根古木垂  
清蔭寒香拂斷

垣山橋時入望  
帆影落江村  
**陸來**  
堤登樓類喚酒家奚燕知社

日歸來早花爲春寒不放齊佳節  
屢過人漸老  
名山相對日初西  
人生那得常如此  
莫惜尊前醉似

泥  
**汪言**  
半塘寺佛閣高閣參天起  
登臨茶竈烟浮

接墓田我來春欲  
**張幾**  
春日半塘遇友人喜贈畫

去樹杪聽啼鵲  
橋通畫舫花市繞花枝  
我老還乘與君閒  
好及時風流憶往事  
水

遊歎交知不日看新綬  
紅亭共酒卮  
**江接芹**  
半塘

楊柳枝詞楊柳青青映水流  
如烟如霧繞歌樓  
凭欄多少懷春者  
日鎖雙眉不展愁  
**黃鉉**  
夏

登半塘佛閣  
六月山塘日色紅  
毘盧閣上有  
**黃自**  
松風歌樓酒舫無時歇  
都在凭欄一望中

芳

夜臥為半塘寺鐘聲驚覺枕上偶成一枕高眠  
蝶夢通正迷春色故園中忽投身世歸禪室午

夜鐘聲

余震

舟泊半塘見童子讀書有感橋邊楊  
柳寺遠望歸去邗江幾日行自愧無

萬壑風  
端虛度日獨聽  
童子讀書聲

寶帶橋唐刺史王仲舒鬻寶帶助建故名後復圯架

木以濟明正統間巡撫周公忱

戒有司節  
官費備用

重建凡五

十三洞石二千六百丈木四萬二千五百株灰二  
十四萬三千六百斤鐵一萬四百斤米二千六百

石陳

循記 康熙癸丑重建

卜舜年

寶帶橋一片春帆雜野鷗桃花隨意着芳  
洲洞庭山矮太湖闊寶帶橋中水亂流

吳有涯

過寶帶橋輓陳璋妻張氏到越狂胡破  
不得死郎前將心托何處橋邊水咽聲定

向吳夏完淳

寶帶橋頭泊狂歌問酒家吳江天入  
水震澤曉生霞細纜迎風急輕帆帶

兩斜滄茫不可接何處問靈槎

**徐崧**

見寶帶橋重修有作澹臺湖在具區東利涉全資寶帶功

山對楞伽邀串月塘連葑水捍衝風石獅對坐行人過水鳥羣飛釣艇通亂後圯崩誰再建捐資直

欲嫌王公**張大純**寶帶橋邊秋水多菱荷淡處出漁歌湖光如鏡山如畫山色重重橋下過

**薛氏蘭英**翡翠雙飛不待呼鴛鴦並宿幾曾孤生憎寶帶橋頭水半入吳江半太湖

**澹臺湖在縣南西界太湖**吳地記云澹臺子羽宅所陷子羽常南游至江故云

**湖東過寶帶橋入運河分流入黃天蕩**

**周永年**澹臺湖截太湖傍夾浦橋高寶帶長見說顧公能拒水莫教濺浪打鴛鴦

**海慧庵在葑門外古石家滙東卽普利庵廢址明萬**

**曆四年有五臺僧如海**稱法華禪師**因夢神語購地建**

續置飯僧田三頃有奇本縣給帖免役**初名海會順治十二年豁堂**

濟巖禪師改今名

僧涵珂復置庵  
傍地入畝零

徐崧

過海會庵有感  
道路無時息  
吁嗟最苦辛  
抄書懷短筆  
曳履澆飛塵  
病雜身如破  
貧常境

若真不知千載  
後誰識一遺民

懷雲亭在東城沈青城太史止園

徐崧

秋日過懷雲亭訪周雪客調得踏莎行徑點  
蒼苔墻遮翠柳閒亭面面開  
疎牖不知城市

有山林謝公丘壑應無負  
爲叩名園歡尋良友  
十年夢寐今携手  
塵談相對欲披襟  
庭花細落茶

香後孫枝蔚

過懷雲亭訪周雪客示與松之唱和詞  
因次其韻瘦竹連松衰梧映柳秋風入

處嫌多牖止園何似枯園中  
黃花萬朵輕相負  
座少青蛾樽多紅友  
湖山久待揮毫手  
問君酬倡

與誰頻吳江  
詩老徐陵後  
俞瑒  
迎疎牖  
檜籬苔徑並幽尋  
元龍

豪氣真難負  
文許論心詩堪結  
友當筵筆陣  
推能手碧闌干  
下按紅牙新詞肯讓清真後

陽山距城西北三十餘里

高八百五十丈  
逶迤二十餘里

以面陽因

名亦名萬安

以諸峰  
內附

四飛

以諸峰  
外拓

秦餘杭

謂始皇  
如禹舍

舟登會稽以餘杭名山故  
繫之秦因箭缺而傳會也

或云東爲陽西萬安南

秦餘杭北四飛又名蒸丘蒸山

以雲氣  
如炊也

大峰一十

有五箭缺居絕頂

形兩岐謂之缺爲始皇箭鏃所  
穿下名射竇語殊不經頂有浴

日亭亭下  
有白龍洞

長

一作常

雲

三字王文恪筆鏤品上將磨  
滅陳芝臺索入箴韓先民銘

書字大一圍清勁道古遺介公鏤東向  
一石下有龍井用以瀹茗色白味香

巖

東北峰  
之最高

者舊名來鶴望如狡狴土人指峯峯爲雌巖爲雄  
云相傳始皇時有管仙人隱此故一名管有巖山

道院院有東岳行宮誕日  
進香多鄉人呼爲草鞋香

大石

湧出山腰如蓮花  
頂有望湖亭一名

欸雲下有泉二泓一爲雲泉元至治  
湖僧道宗建庵有凝霞樓一石井

白蓮

下有白  
蓮寺

松化

石狀似松上有洞近有一壺泉

草頭

一石一態如丰草分披

香爐

在白龍塢

一巨石疑從天落復一石作玷粘着處不能以寸

雞峰

白塔以北聳出天半有洞門若城中

極宏峻正對一峰洞

白鶴

下有令威宅威化鶴度海丹井猶存唐會昌間

建白鶴寺錢氏時有泉出改名仙泉院泉產千葉白蓮又名白蓮寺宋祥符中賜額澄照

鯉魚

長雲下羣峰大

象鼻

大石山中一峰自石面起宛轉倒垂下開豁似街通行頂

構小亭結

啓龍

山之來龍至是而發又名慧龍亦有崑洞常光怪燭天

鳳凰

下有鳳凰臺

西介於西以位名

又韋駝

與長雲並

道士

在北山狀如真官步虛

南爪

如龍奮爪

北爪嶺有白塔

即白堊以其形音似惡改名曰塔五色間亦有

之鑄冶所必需淳水澄泓環石奇秀

金芝

石皆偃蓋作金色上有井相傳劉誠意所鑿及隼慶

庵

江婆

路為江婆所開

石狗

石勢有如蹲如走如臥如鬪者

馬王

下有石名真假

山前卽**耙石**上平如厓相傳仙人種玉於此右有淨明寺景福庵元大德間僧道弘建今爲齋

院風塔**巖有文殊**下有文殊寺傳支道林創**虎頭**作

猛勢下**滴水**一名水簾一名瀑布又名珍珠簾再

坐於此洞前**夕照**大山中**塢有白龍**前有晉栢龍湫

相傳秦時有端溪溫媪業捕魚遇澗中棄卵如斗

拾之置缶中未幾卵窳物出如龍媪養之及媪治

魚誤突龍尾龍避去數年忽還媪所如兒戀母媪

亡龍擁浪迴沙墳媪又云晉隆安中龍母姓繆爲

處子有白衣老人求寄宿諾之已姪而產龍母駭

死龍去似不忍每逢誕日必來省母土人於冢後

建龍母廟宋初由山巔遷於山南之曹巷熙寧丙

辰再遷於澄照建炎中主僧覺明新之紹興己卯

帥漕以祈雨有應奏賜臨濟廟軋道戊子郡守姚

憲奏封龍母顯應夫人詳胡俸靈濟廟碑自後繫

加封勅又有**金牛**卽金**火丫**以象**石有石蕩**一巨

藏軍洞二

丁茂月長洲



石盛

石梁

香爐以南  
凌空橫架

屏風

長雲

自東南福壽抵南

南爪迤西陽抱

山有陸績墓又有菖蒲泉  
及陽山南茶坡泉味極佳

抵北北

爪爲温彭圖

三山臨  
太湖

雞籠

山有七竅如甌  
有甌山教寺

又北

胥女西南中峯啓龍謝現鳳凰觀趙王錦峯

二字  
理宗

御書賜  
鄭啓潛

又南玉遮風現賀九皆陽山支隴也

舟與  
自許

墅竹青塘通安橋爲大石白龍北與西之徑自高  
奈橋或自射瀆橋爲白塔長雲東與南之徑鳥道

三大石而南過草頭白龍而東經香爐屏風而西  
抵長雲皆達箭缺東則彌望平曠西則具區泥濘

至孟冬日月合朔尤爲奇觀昔芝臺  
陳太史欲於文殊開社彙山之勝云

高啓

登陽山我登此山巔不知此山高但覺羣山  
總在下坐撫其頂同兒曹又見大湖動我前

海湧三十萬頃烟波濤長風吹人度層嶂不用僂  
翁赤城杖峰迴秋凝海鶴飛日出夜聽天鷄唱中

有一泉常不枯乃是蛟螭神物之所都老藤陰森  
洞府黑樹上不敢留棲鳥常年禱雨車來此投金  
符靈旗風轉白日晦馬鬣一滴沾三吳巖巒蒼蒼  
境多異樵子尋常不曾至探幽歷險未得歸忽聽  
鐘來洞西寺此時望青冥脫畧塵世情白雲冉冉  
足下起如欲載我升天行古來名賢總何有唯有  
此山長不朽欲呼明月海上來照把長生一瓢酒  
浮丘醉枕肱洪崖笑開口天風吹落浩歌聲地上  
行人盡

### 周南老

前題高出衆山上獨有秦餘杭雲  
回首烟度林麓青翠摩穹蒼中有神龍

漱以時司雨陽夫差昔夜匿於焉絕饑糧三呼  
輒三應道窮愈偉倥偬公孫言可徵山靈爲摧傷

### 鏊

望陽山青谿欲盡轉逶迤臥對陽山舟自  
移聞有高人何處在白雲紅葉影離離

### 吳寬

贈釋定鄂住陽山文殊蘭若今何在說在陽山  
箭缺傍入定不知風雨過白龍應向鉢中藏

### 申

### 時行

遊陽山陽山高峙郡城西紫氣氤氳碧落齊  
鳥道百盤凌恍惚鷲峰一柱截虹霓層空半

歷穹窿勝絕頂平臨岸崿低天與岡巒開寶地人  
從霄漢躡丹梯藤樹凝石疑中斷樹杪攀厓更上

躋笠澤晴波遙見鷁扶桑朝旭遠聞鷄亭標浴日  
懸新構壁洗常雲識舊題古廟龍王行雨過危巢

蒼鶻向風棲陰森歛起松間籟偶及誰開李下蹊  
落照重重銜夕障飛泉灑灑灌春畦盪胸海色三

山出入背烟光萬井迷指點吳宮萋碧草依稀秦  
觀護金泥山僧習靜時鳴磬野客尋幽獨杖藜欲

學盧遨遊汗漫言從惠遠住招提嘯歌直擬邀鸞  
鶴來往惟應伴鹿麋醅酏不辭歸路晚玉壺春酒

正堪携 **袁弘道** 前題 曉石蹲如象枯松剝似鱗鶴仙  
何處是龍母果然神穴有能言獸崑

多不語人吳宮零 **陳仁錫** 觀音巖 看月介公至風  
落盡踪跡竟誰真 前忽自笑雲外若為期

忽報山僧至 **黃潛** 陽山文殊 豈上人訪予吳門寓  
舍求為湘竹詩予辭以未見竹

山深知未知 上人不遠六十里自山中舁其竹而來好事有迷  
此者欣然為賦長句道人來自陽山麓手携舊種

千竿竹小栽方斛不盈咫中有蕭湘江一曲未信  
天工能尔奇不知地脉從誰縮晴空脩脩散烟霧

眼底森森立羣玉豈期我乃累此君象犯風埃走  
塵俗故山方遠重愁絕新句未成慚迫促黃岡之

產大中稜政用才美刻其腹願言嚴激文殊寺贈

保此終天年歲暮山中伴幽獨

飛錫處一語便成歡雲水諸根淨冰霜五戒寒雕

龍枝亦得驅虎法何難喜與常雲社雙眉敢自攢

李頻題陽山顧練師草堂若到當時上昇處長生

何事後無人前峰自去種松子坐見將來取

苾王禹偁贈陽山草庵禪師陽山山下草庵淡寂

寂香燈對遠岑莫怪相看總無語坐禪

為政一般心顧璘陽山草堂草堂遙任碧山阿手種青

松十丈柯聞道欲開未盡問奇携

酒客來多方太古雪後宿顧大有陽山草堂草堂新築

面陽山靄靄春冬紫翠間曾與主人

殘雪夜月明王禹偁宿僊泉寺祭廟回來畧

風靜聽潺湲問禪薜牆莎徑碧山前風踈

遠磬秋開講水響盤車夜救田蓋綬有香花茵莖

竹窗無寐月嬋娟自櫛政術貽枯早忍臥松陰漱

石謝濤留題澄照菴明上人靜室疊巖收雲拂眼

泉謝濤明久依香社豁高情主人似秋池木一

日看來周南老龍母祠陽山第三峰雲淡神所棲

下有白龍塚上有靈母祠昔傳民

家女育龍此山陞龍化母驚絕雷兩交相馳於今  
禱必應雨暘無愆期繁靈神變化猶知有母思

**高啓**

丁令威宅丹井令威作仙上天去舊宅畱在  
青山阿千年宅廢但遺井何處更聞華表歌

南陌黃塵足去客東流碧海絕迴波  
鶴歸重覽應惆悵地上丘墳今又多**楊貢**天順戊寅春仲

開登最上亭微微遠水白點點亂山青犬吠虎聞  
祭白龍登澄照琪上人閱經亭偶成因祭來澄照

法池腥龍聽經老僧顏瑄公暇遊大石次韻老梅  
心性悟何日渡滄浪幽磬曲修竹短牆頭室

小如懸磬山虛若覆舟百年真幻絕一沈周辛丑仲夏  
會足風流擾擾徒爲爾得休須早休

遊雲泉庵問寺松篁裏芒鞋苦未停蒸雲山似甌  
隱日樹爲屏鳥啄臺中食僧翻几上經閒來復間

去空損吳一鵬登大石大石巍巍郡郭西登臨此  
石苔青日酒重携烟中鳥沒千峰暝象外

天空萬物低田舍築墻堆亂石僧厨剝笋落  
黃泥興遊未盡志歸去一路垂鞭信馬蹄  
鄒迪

光登大石巨靈何事者鑿石表三吳地割烟霞境  
天分日月都斷岩雕檻接飛磴曲欄扶長嘯松

風下羣仙 **王穉登** 重遊雲泉庵舊遊還彷彿重禮

若可呼 佛前燈廢井泉俱溢層崖石欲

崩半凋空腹樹久病白頭僧 **馬之駿** 同張岩生業

濟勝非前度危峰上不能 師俞羨長沈

虎臣時良兄登陽山大石幽挾猿鳥共爲羣磴絕

初看衆嶺分野老自燒新刷笋山僧常袖欲歸雲

晴村草樹湖如帶陰壁藤蘿石有文 **范成大** 咏白

師友弟兄來不易憑欄爭語洞庭君

鬚王璞紫金精犯難窮撲亦有名白 **顧阿瑛** 奇鷄

聖區區土同價吳懷何事亦輕生

琦元璞雞籠山下野人家被曉寫詩邀品 **高啓** 雨

茶秋風過樹落紅葉夜雨滿溪流白沙

過憇龍山春雲曉靄潤奔渾風雨行人過 **王穉登**

一村不似山家淡竹裏乳鳩啼午未開門

重遊巖山廟祝融焚盡碧桃花東帝何年返 **李嵩**

翠華欲辨切灰人不識斷碑空記管霄霞

題學易處一室焚香几獨凭蕭然興味似 **釋海融**

山僧不緣癩出忘巾櫛免得時人有愛憎

借陳太史桂花岩待月桂臺通石壁世味不相侵

月到花心冷人狂酒興淡鷓鴣高樹宿蟋蟀斷岩

寫成因長洲

吟漫理無絃曲  
**陳琦**八月十日兒子鑑駕樓船載

踟躕默會心  
作不顧先造白龍禱晴而行果得達途中喜賦一

詩射賣東偏一木平兩舟如屋後先行遠從大石

山尋樂先向白龍祠禱晴擎蓋不同朝兩密拂衣

漸覺午雲輕清風忽捲羣峰出似慰兒曹悅我情

**徐賁**陽山瓊姬墓館娃宮裏已堪愁况值泉臺閔

間舊屋僧來往竹下新亭客過遊不

有佳名留郡志誰能識此為停舟

迴繞上方傍岩臺殿倚蒼蒼堦前銀杏克僧供爐

底松花當佛香高嶺星河常信宿下山花竹又斜

陽却緣婚嫁飯依晚

未得辭家禮法王

**顧元慶**箭缺兩峰中斷山椒

萬壑松濤雙履底三吳風物一尊前濛濛元氣立

匡濕靄靄高雲翠壁鮮欲酌公孫呼不起晚來幽

獨下

**吳義坤**白鶴峰縣城郭依然鷓不歸人

蒼烟

老猶思丁令威菖蒲泉在陽抱山魯將軍墓下曳

杖來尋隱士家泉香不減白龍茶一泓寒碧淡山





已淡相看那得當登臨推蓬莫  
怪多時望幾度經過未一旬

**徐崧**

陽山玉洞虹梁碧岫連曾

居龍母與丁仙苗興早禱領盆兩鶴返遙鳴廢壘  
烟東去金闈青鬪野西來笠澤白浮天最奇高頂  
峰如關謂是**張大純**望陽山四飛山翠欲紛披絕

秦皇一鏃穿  
閃閃雨零曲澗響醜醜鶴仙烟月歸華表龍母風  
雷出古祠何日高朋同蠟屐携壺攬勝更題詩

何山在獅山北一里其地舊名鶴邑墟故山名鶴阜

山因梁隱士何求何點葬此改今名其坡有資福

寺

屬吳縣

**皇甫湜**

過何山懷二何靈山徵往迹居士葬何年哀壑蒼烟斷空林落日懸禪關二隱地花

路五雲天共盡悲**徐崧**過何山資福禪院盡說何千古淒涼野鶴旋  
山寺誰知資福門殘僧多

菜色古路入雲根瓦礫香臺圯藤蘿  
亂木昏雙碑猶在壁風雨剝苔痕

尹山去寶帶橋東南六里相傳周大夫尹吉居於此

故名崇福寺在焉梁天監二年僧左律建元丙申

年燬明洪武間有聖僧永隆運巨木重建有來木

池存焉

隆菩薩姓施氏尹山寺僧也洪武壬辰師率其徒詣京求牒及衆三千人因試經多

有不諳者上怒其冒講悉罪爲軍隆乞焚身以代之携龕至雨華臺望闕再拜有偈曰三十三年一

幻身洞然性火現前真大明佛法興隆日永祝皇圖億萬春復取瓣香畫風調雨潤四字置篋內謂

中使曰爲我奏之他日遇旱出此以禱必驗已焚香飄鶴降舍利無算上悉赦免給牒後遇旱迎此

香至天禧寺禱之卽日大雨上喜曰此真永隆雨也製落魄僧詩以彰之云盤陀疊藤倚喬松累世

因緣積善功車馬有時雲會集幡幢無刻霧來從經談般若三千界法演仁王九五宮煨煉始知玄

妙處爲專鐵杵久凌空弟子時習**成化十六年後**

函師骨歸葬尹山詳姚少師塔銘

手成局長洲

**成化十六年後**

裔從訓重建塔院享堂有碑天啓四年大風寺圮

至康熙壬戌里人顧士禎倡建

時王額駙斐門肅碧堂籍沒購爲殿

材以始其事

雲開方禪師開山

寧波人大覺瑋禪師法嗣

舊有澹臺

滅明書院尹和靖慕其勝曾僑寓焉

陳基

尹山人傳周吉甫遺墓在勾吳蕭條入墟里決莽帶烟蕪豈伊姬臣裔散落在江湖負末

林丘下容

管志道

恭和太祖高皇帝御製落魄僧詩孤雲飛出嶺頭松震旦喧傳

非隱者徒超劫功百億化身塵外憾三千法春日邊從香拈

海印開龍窟雨澍桑林入梵宮一自宸章含骨後

曇花日日雨長空又莫笑頭陀類稿松一朝飛錫

顯殊功身隨火滅三因淨牒自天來萬法從舍利

許分阿育塔甘霖疑滴首羅宮覺皇贊我皇國遠

故遣神僧下碧空和永隆和尚偈切火難燒法性

身空拳起滅總非真三千佛

釋通門 尹山道中來

子今何在落魄詩傳二百春

住舟何競其

如橋不喧一山低少樹幾屋冷成村北望金城固西來白水渾文身懷至德感慨獨相存

**徐崧**

尹山廢寺瞻隆禪師碑落鬼僧何在還看睿藻堯焚身應有以禱雨亦無爲荒草埋遺礎空廊倚斷

碑如斯稱應化未法總堪思乙巳新歲過尹山寺日霽春光暖風生霧氣開野橋迥望合湖水送行

來遠浦飛孤雁荒山落晚梅

**張大純**

重過尹山寺爲看碑碣在寂寞倚香臺

天寒覺路長橋高帆竟過山小寺難藏無處尋書院誰人葺享堂猶存一片碣盡讚永隆香

**尹山橋**

明天順六年郡守林一鶚重建學士錢溥記

**雙塔禪寺**在城東南隅唐咸通中州民盛楚建名般

若院吳越錢氏改羅漢院宋雍熙中王文罕建兩

磚塔對峙遂名雙塔重建殿宇

釋妙思有記

至道初賜

御書四十八卷改壽寧萬歲禪院紹熙中常平茶

鹽使者建祝聖道場

王氏已捨田五百八十畝會  
崑山宗王有田七千餘畝籍

沒僧德溥以千畝爲請提舉徐誼委有  
司給之龔頤正有常平田記誼永嘉人明永樂八

年僧本清重建康熙十五年里人唐堯仁重修天

王殿山門恢復法堂

袁提舉

紹定五年再簡普華春寒雨凍雪紛飛衲  
被蒙頭晝掩扉振錫起來獅子吼壽寧堂

上發真機張慶孫

過雙塔寺時尚未修葺殘碑臥  
夕陽千秋冷落普華香僧難只學吹

橫笛瓜蔓多留繫短墻塔院夜漢風颯颯寺街春  
老樹蒼蒼何人肯念王文罕對築浮圖七寶裝

徐崧

殘碑片片帶蒼苔寺裏誰人似辨才  
幸有袁公題偈在至今猶識普華來

定慧禪寺本雙塔西方院起自唐咸通間宋天禧中

賜額始分爲二其禪師開山超信禪師演法

信載  
五燈

指月諸錄紹聖初定慧住持守欽遣其徒卓契願  
遠訪東坡於惠州且寄擬寒山十頌蘇和詩八首  
答之又書歸去來辭以貽卓契願始刻於彭澤後  
周文襄公忱撫吳復令寺僧妙炫勒墨本於寺中

**元季兵燬明洪武中僧澤藏山永樂中淨因正統**

**中妙珰先後重建**

有張洪重修定慧及黃省曾蘇公嘯軒碑記黃并令住持繪東

坡像奉軒中且勒碑上然嘯軒考蘇集恐是黃州定慧

**康熙十一年郡紳繆**

**彤等延僧大休駐錫里人唐堯仁重建觀音殿又**

**重修彌勒殿大殿**

時瑞旭容禪師於大殿後構三楹以擬嘯軒容吳縣人脫白於

洞宗大休得法於濟宗道安和尚

**蘇軾**

蘇州定慧長老守欽使其徒卓契願來惠州問余安否且寄擬寒山十頌語有乘恐之通

而詩無島可之寒吾甚嘉之為和八首錄一淨名毘耶中妙喜恒沙外初無往來相二上同一在云

何定慧師尚欠行脚債請 **黃姬水** 中秋集定慧寺時自金陵暫歸

判維摩憑一到東坡界 共喜中秋河漢明東林坐見月華生青天不染金

波冷古寺無人玉漏清竹栢空塔交藻影蛩螢澗 巷雜砧聲故鄉翻作思 **王庭** 和徐松之戊辰上巳

家夢此夜長安兒女情 禪師嘯軒韻香林聞梵處高坐幾僧禪花影庭心

出鶯聲樹杪懸殘碑堪摸石國水自通泉詞客類 來往偏尋 **彭瓏** 和韻成通留古刹定慧集名賢已

修禱緣 響雨過竹尤鮮於此 **李貺** 定慧真名利燈傳海印

追芳躅何須譙水邊 坡仙墨妙碑猶在軒空榻可 **褚篆** 佳日誰修禱來

懸良辰修禱飲佛火煖山泉 碑蘚雨衣挂壁蘿烟隣寺交龍影新巢語燕緣嘯

軒題句在同爾念前賢 虛蹟留居士蹟知寄惠休書寺額猶仍古 **張大純**

禪心亦起予晚窓陳話久草色冷前除 高士心無倚遊踪愛古禪单丁軒乍啓上巳月初

懸磬響和松響經筵勝綺筵由來獅吼地芳草正

半高佑鈇

招提逢上已修禱  
羨清泉花柳三千界  
燈幡十八賢  
采蘭春索句  
聚石夜談玄

卽此留作話

陳銳

友真推卓犖  
墨妙重坡仙  
古寺  
留名蹟  
高風仰昔

蘇碑可並傳  
友井是洗心  
泉記取

曹基

古寺留名蹟  
高風仰昔  
賢朝來逢上已  
相對倍

悠然勝事流觴外  
禪心得句

丘象艮

清心向梵天  
上已遊何處

前願言追大雅  
重與後人傳

張大緒  
上已

殿中分佛火  
竹裏起茶烟  
坡老殘碑在  
張大緒  
上已

欽公逸事傳  
嘯歌偕勝侶  
誰謂遜前賢

張大緒  
上已  
過蘭若鐘魚洗俗緣  
香清依古佛  
碑斷識前賢  
不

數蓮池勝還參  
栢子禪  
茲晨功德水  
被禱更堪傳

定慧城東寺  
傾頽不記年  
隣垣侵地築  
佛像

金根

背風眠何幸  
留飛錫  
重期起法筵  
聞中共乘

典碑上

汪撰

招提真自古  
寂寞古城邊  
修禱誰來  
揭苦錢  
此逢僧亦偶然  
一龕圍翠竹  
雙塔上

青天賴有南州  
老詩成並景傳

余雯

采蘭何處去  
迥與愛逃禪  
物  
分佛火啜茗  
羨新泉  
殊  
徐開任  
定慧寺懷古似家  
似黃州客偏多  
定慧緣  
松之暨瑞公  
當世



知交輩誰如方外真孤舟輕萬里片紙寄還人定  
慧傳燈遠東坡遺墨新城東雙塔峙瞻望獨傷神

**吳肅公**

上巳定慧寺城春春望好梵閣水雲間塔湧前朝勝花開旅客顏高風尋白社遺蹟

表眉山爲問驅車

**顧涓**

前題古寺留名勝禪燈畫亦肩詩珍賈島佛人見伍

者何如此地間

**朱謹**

上巳同徐松之聽相將結香火到此合忘形

喬星墨妙龍應護經聲鶴共

東城三月路看柳復尋僧寺並借雙塔殿孤寒一

燈清風來上巳白社引高朋重問蘇公蹟苔痕歲

**馮行賢**

呈瑞旭和上小事近尋求茫然未有由

煩師指一漚莫教將

**朱曾傳**

定慧寺贈瑞旭上人

卓老前獨擅徽猷

庭陰遠水不可卽白雲相與淡妙香焚古

寺清磬出寒林欲問蘇公跡荒苔何處尋

上巳同友過訪定慧寺瑞旭禪師茗話因留宿賦

傍晚來相訪因知定慧禪東城雙塔湧古殿一燈  
懸月出平如瓦松生響似泉蘇公碑尚在信宿有  
前緣丙寅午日宿昭日容昆仲招過汎蒲并遊雙

塔定慧諸寺曲江兄弟愛潛夫隔日招尋為泛蒲  
杯正傾時貽綵綜榻當下處掛靈符暮雲古寺隣  
雙塔夜雨東城水滿湖歲歲知交張燦然邀履庵  
俱解此不須齋粥累浮屠辯糖  
蒲寒合同用七虞韻龍舟金鼓渡頭無棟蓼詩篇  
且共娛五色綵絲纏角黍一天好雨洗菖蒲貧同  
北阮原非病德與南州更不孤東張大受常憶南  
郭舊遊精舍近安禪能有幾浮屠  
好况逢五日酒能沽逃禪醉可題雙塔懷古悲應  
弔左徒高閣鴨鑪燒赤朮小橋漁艇摘青蒲端陽  
不比重陽節風拂如絃兩似珠

南禪寺唐開成間僧元遂建有千佛堂轉輪經藏

居白

易記畧云先是郡太守居易發心蜀僧清閑矢謨  
吳僧常敬弘正神益等僱工檀主鄧子成等施財  
院僧法弘等藏事太和二年秋作開成元年春成  
費緡巨萬堂之中上蓋下藏蓋之間輪九層佛千  
龕綵繪金碧以為飾環蓋懸鏡六十有二藏八面  
面二門丹漆銅錯以為固環藏敷座六十有四藏

之內轉以輪上以棍經函二百五十有六經卷五  
千五十有八藏成經具請越之妙喜寺元遂禪師

為之主遂既來教白居易在郡常書長慶集留千  
行如流僧至如歸

**佛堂**

南禪院白氏文集記畧云唐馮翊縣開國侯  
太原白居易有文集七卷合六十七卷凡三

千四百八十七首家藏之外別錄三本一本實於  
東都聖善寺鉢塔院律庫中一本置於廬山東林  
寺經藏中一本置於蘇州南禪院千佛堂內時開  
成四年二月二日吳郡志云南禪寺唐有之今失  
所在按寺在郡

學東本名集雲

**洪武中僧示應**

號寶曇和尚

**奏請為南**

**禪集雲寺成化中寺燬僧德本重建**

吳寬記

**正德間**

**都綱良定建天王殿嘉靖間住持祖鎮重修**

楊循吉記

**徐縉**

贈鏡庵上人滄浪池頭秋水清滄浪亭上秋  
月明上人棲隱已七十披衣擁膝傾相迎竹

屏松逕自成趣猶記當年濯纓處從  
茲借榻學無生笑指天花落庭樹

忠烈祠在乘鯉坊祀宋丞相信國公前平江知府文天祥明正德六年巡按謝琛題建賜額舊在永豐倉西嘉靖二十年巡按饒天民改建今所萬曆二

十年知縣陳其志四十三年知縣胡士容相繼修

俱有記載入祀典今康熙九年重修鄭敷教記大宋

亡死事之臣甚烈文丞相信國公實首稱焉百世

而下祠公於所生之鄉所死之地所經歷之境後

徧方域矣其敕建於吳中也自正德六年辛未始

也公昔勤王之師常開闔平江既係燕獄有集杜

詩三百首如自作年譜其敘蘇州云予領兵赴闕

時陳宜中歸永嘉留丞相夢炎當國夢炎意不相

樂出予以制闔守平江尋以獨松事急趨還宿衛

予行未幾姑蘇陷哀哉公益一日不能忘蘇州而

蘇州之人心百世不能忘公有以也其奉敕改建於學宮自嘉靖二十年辛丑長洲縣學既遷之後

也公後人待詔公徵明書正氣歌於堂之壁生氣凜然惟公之學一歸於孔孟殺身成仁舍生取義以公衣帶中所藏正公位於孔氏之庭豈日時會使然蓋亦至聖大賢精英有以相盪也自辛丑至萬曆乙卯歷七十餘年而祠宇日圯邑宰胡公士容謀於公後人孝廉震孟重修之後孝廉亦以狀元位至相國風節義槩能繩其武云自乙卯至今庚戌又五十餘年而傾圮者鞠爲草莽矣其裔孫世光謀助於一時好義之人心則顧考功予咸實首倡之濱死以屬其後人而堂宇重新焉蓋予讀宋史至信國公事及井中心史所載文丞相序未嘗不骨顛魂搖有甚於謝翱之慟哭也公嘗謂大宋三百年宗廟社稷爲賈似道一人所破壞於乎何後世似道接迹而如信國公者虛無人信國公之靈其必有恫乎不寧倍於昔日者乎祠之始建再建聞於朝重修也輸於官今煢煢興起於不振之子孫與夫好義之人心是可悲也已雖然今日而猶可興起也卽人心爲足恃而我公星辰河岳之精英爲不磨也夫

**李振裕**

秦謁文山先生祠宋家陵谷等塵埃相因  
殘碑歷劫灰舉世幾人祠下拜寒山片石

夕陽開孤忠自可存今古遺廟何妨付草  
萊謾說春秋猶饗祀一林風雨閉荒臺

**何棟**

天維

東傾宋祚移誰言一木堪相支文山正氣自千古  
索市碧血留餘悲吳中石像瞻奇迹南渡冠裳儼

如昔顏垣老樹關昏**許定升**

吳都瞻石像燕市歎  
鴉一片丹心照空碧南冠血作千年碧心

留一寸丹誰言填海易不信補

**錢三錫**

昔是翼宮  
地今爲丞

天難劔珮今猶昔庭空白日寒**張大純**

相祠芹香留俎豆池影照鬚眉正氣元終  
古斯文尚在茲所關名教大捫薜讀殘碑

燕市寧如吳市寬南冠豈復羨黃冠  
只今廟祀還如舊要與千秋烈士看

**東莊吳文定公父孟融所治也中有十景孟融之孫**

**奕又增建看雲臨渚二亭李東陽爲之記**

**劉大夏**

吳下園林賽洛陽百年今獨見東莊迴溪  
不隔柴門迴流水應通世澤長十里香風

來桂塢滿簾涼月浸菱塘天公**李士實**小莊隨意

自與莊翁厚又把栽培付令郎作經營園

漫分蘇地漫耕流水聲中看杖倚人家叢裏有舟

行市塵咫尺疑無路林壑分明不出城昨日玉堂

新賜詔乾坤**沈周**東莊木木有清輝地靜人間與

誰信問逃名世違瓜圃熟時供路躡稻畦收

後問鄰飢城頭日出啼鴉散堂上春深乳

燕飛更羨賢郎今玉署恩封早晚着朝衣**吳寬**聞

姪構二亭於東莊以為予佚老喜而有作爾父西

菴偏拙修當年種樹帶平疇近聞肯構為予計專

待歸休與客游山上看雲依鶴洞池邊臨渚**沈周**

對桑洲只憂筋力非輕健更欲浴洞具小舟

次前韻特意作亭知好修石基高築樹為疇欲承

伯氏歸休樂未許他人造次游細路矯橋綠麥隴

長濠新水漫蘋洲宰公果遂

**施何牧**訪東莊舊址

南還興我亦浜頭艤小舟一水東莊近

風流說異時門栽彭澤柳客贈剡川詩蟹舍依

橋築魚罾傍岸移至今餘想像煙雨任迷離

**張**

**安世**事業文章兩足稱東莊舊隱蔓枯藤

姓名留與人間說桑海何須歎廢興

陸魯望宅在臨頓橋皮日休云不出郭郭曠若郊墅

魯望幽居賦云陸子居全吳東距長洲故苑一里

又云地接虎丘門臨鶴市

崧考志五柳堂宋胡稷言所居在臨頓里陸魯

望舊址也其子蟬又取老杜宅舍如荒村之句各其居曰如村則唐宋時此地荒曠可知矣又有別墅在甫里魯望躬耕於此有地數畝屋三十楹田四萬畝有奇其居後爲白蓮寺建祠堂塑像咸淳

中有盛氏子醉仆其像得其詩文彙於腹

皮日休

屣步訪魯望不遇雪晴墟里竹欹斜蠨展徐吟到陸家荒徑掃稀堆柏子破扉開澀

染苔花壁閒定欲圖雙檜尉靜空如飯一麻擬受太玄今不遇可憐遺恨似侯芭夏初訪魯望偶題

小齋半里芳陰到陸家藜牀相勸飯胡麻林間度宿拋碁局壁上經旬挂釣車野客病時分竹未鄰

翁齋日乞藤花踟躕未放陸龜蒙奉和襲美見訪閒人去半岸紗綃待月華不遇爲愁煙岸



老塵鷺扶病呼兒劇翠茗祇道府中持簡牘不知  
林下訪漁樵花盤小墮睛初壓葉擁疎籬凍未燒  
倚杖徧吟春照午一池冰段幾多消天和四鄰多  
是老農家百樹雞桑半頃麻盡趁清明修網架每  
和煙雨掉綠車啼鶯偶坐身藏葉餉婦歸來鬢有  
花不是對君吟復醉更將何事送年華和皮日休  
韻十首近來惟樂靜移傍故城居閒打修琴料時  
封謝藥書夜停江上鳥晴曬篋中魚出亦圖何事  
無勞置棧車倩人醫病樹看僕補衡茅散髮還同  
阮無心敢慕巢簡便書露竹樽待破霜飽日好林  
間坐煙蘿僅欲交倭僧留海紙山匠製雲淋懶外  
應無敵貧中真是王池平鷗思喜花盡蝶情忙欲  
問新秋計菱絲一畝強故山空自擲富路竟誰知  
祇有經時策全無養拙資病深憐炙客炊晚信樵  
兒謾欲陳風俗周官未采詩福地能容壑玄關詎  
有扉靜思瓊板字閒洗鐵筇衣鳥破涼煙下人衝  
暮雨歸故園秋草夢猶記綠微微木影沉魚器鄰  
聲動緯車燕輕捎墜葉蜂懶臥樵花說史詳諸例  
論兵到百家明時如不用歸去種桑麻禹穴奇編  
缺雷平異境殘靜吟封籙檢歸興削帆竿白石堪

爲飯青蘿好作冠。幾時當斗柄同上步罡壇。強起披衣坐。徐行處。暑天上階來。鬪雀移樹去。驚蟬莫問鹽車駿。誰看醬瓿玄黃金。如可化相近。買雲泉野入青蕪巷。陂侵白竹門。風高沙栗刺。沙淺露芹銀。送鼠緣藤桁。飢鳥立石盆。東吳雖不改。誰是武王孫。疎慵真有素。時勢盡無能。風月難爲敵。林泉幸未憎。酒材經夏闕。詩債待秋徵。祇有君同癖。閒來對曲肱。

**張大純**

九日尋陸魯望舊宅

用皮襲美韻。幽棲不讓鄴侯家。束帛曾宣玉殿麻。人世功名隨草露。林泉蹤跡付柴車。溪魚上水供垂釣。野鴨依欄臥落花。今日東籬尋舊句。誰探腹裏問才華。

**徐脩矩宅脩矩恩王府參軍世守書萬卷皮日休嘗**

**就借書**

**皮日休**

東莞爲著姓。奕代皆雋。詰強學。取科第。名聲盡孤。揭自爲方州。來清操。稱凜冽。惟寫

墳籍。多必云清俸。絕宣毫利。若風刺紙。光於月。札吏指欲。胼萬通。排未闕。樓船若夏屋。欲載如垓塢。

轉徙入吳都縱橫礙門闌縹囊輕似霧緗帙殷於  
血以此爲基構將斯用貽厥重於通侯印貴却全  
師節我愛彥卿道承家能介潔潮田五萬步草屋  
十數棗微宦不能去歸來坐如削保茲萬卷書守  
慎如羈繼念我曾苦心相逢無間別引之看秘寶  
任得窮披閱軸間翠鈿剝籒古紅牙折帙解帶芸  
香卷開和桂屑枕兼石鋒刃榻共松瘡痛一臥寂  
無喧數編看盡徹或攜歸廡宇或把穿林樾挈遇  
太湖風抱宿支硎雪如斯未星紀悉得分毫未剪  
除幽僻藪滌蕩玄微窟學海正狂波余頭向中顛  
聖人患不學垂戒尤爲切苟昧古與今何殊瘖共  
羈昔之慕經史有以備筆札何況記斯文借之不  
曾輟吾衣任穀糲吾食甘糠覈其逆苟可尤斯文  
那自伐何竹青堪殺何蒲重好截如能盈兼雨便  
足酬飢渴有此競苟榮聞之兼可噉東臯擣  
煙雨南嶺採薇蕨何以謝徐君公車不聞說**彭寧**  
**求**觀皮襲美借書事感賦風流儒雅擅當時搜盡  
蘭臺石室奇架上縹緗應共賞園中花月幾曾  
窺嘯歌自足輕千古攜取何須費一錢

賢主嘉賓不易得後來誰復繼芳規

亦園在葑門內上塘太史尤艮翁歸田所葺四方諸君子至吳門者必過訪亦園主人故酬和之什最夥內有揖青亭水哉軒諸勝其自敘亦園十景竹枝詞後云姑蘇有十景猶之燕臺金陵瀟湘西湖各占勝地而言若吾廬在姑蘇一隅而所謂亦園者不過十畝之間一丘一壑奚翅泰山之於丘垤河海之於行潦哉今乃侈然以十景自名是適供大方之家胡盧絕倒而已雖然以莊生之齊物則鯤鵬之與尺鷃一也以佛氏之空相則須彌之與芥子一也以野人之闕觀則姑蘇之與小園亦一

也舉凡大塊所生四時所至百物所聚萬籟所出  
莫非造化自然之妙天下有之吾園無不有也則  
安知姑蘇非大亦園非小乎則安知姑蘇十景非  
多亦園十景非少乎匪惟有之且爲圖之又從而  
詩之旣以自娛并貽諸君子一笑焉有和我者則  
醉之以酒戊辰八月艮翁自識時年七十有一

尤侗

赤園十景竹枝詞南園春曉朝聞百舌喚遊  
春柳醉花眠總婦人無數紅裙踏步去燒香

爲賽二郎神

陳輔二草閣涼風八尺高臺四面空

解衣槃礴快哉風侍兒不用歌團扇自有封姨伴

醉翁對溪秋月家住城南采葑溪月明夜夜小塘

西清歌自不煩絲竹笑煞蘇堤鬪白堤寒村積雪

千村萬樹白皚皚日未烘乾風舞迴忽聽兒童拍

手笑草棚裝出後獵來綺陌黃花菜色驚看布地

黃春風習習更吹香東邊弊酒西邊唱三月田家

作戲塲水亭菡萏水哉亭子俯清流六曲闌干坐

兩頭蓮葉蓮花并蓮子只無美女采蓮舟平疇禾

黍纔看栽秧又刈禾晴時勸把雨時箴桔槔盡說

田家苦却喜悠揚打棗歌西山夕照西山爽氣朝

來好及至斜陽晚更佳縹緲穹窿都一望不須竹

杖與芒鞋層城烟火睥睨周遭繞九達萬家烟火

樹參差已拼月夜譙樓鼓那禁霜天曉角吹滄浪

古道千古滄浪水一涯平常小巷識蘇家蘇家

尋君遺蹟南禪寺惟有鐘聲噪暮鴉荷青亭落成

九日同諸子登高漫興四首吾歸五載後乃有此

茅亭南畝方垂綠西山仍送青秋來寒水落客至

暮雲停共取登高醉無爲羨獨醒一似畫齋中舫

非牽岸上舟開窓迎白鳥俯檻對清流一幅采蓮

賦千聲布穀謠只須打兩槳便可泛滄洲

賦已屆重陽節黃花勸未開幸無風雨妬賴有碧

山陪狂客持螯去英雄戲馬來古今同寂寞雍瑟

不須哀三憶昔先君子登臨比峴山九原長繫戀

十載重追攀撤戍兵戈定歸田桑柘閑菟裘吾欲

老恰好著癡頑四駢駢兵好健此亭有甲寅而廢木

哉軒卽事四首萬感茫茫處臨淵歎水哉古今同  
稿壤天地獨荒臺遺興移花藥驅愁借酒杯暑門  
謹謝客惟許野鷗來一閑居成小築吾意亦悠然  
蛙吹菱塘夜鶯啼梅雨天石橋行藥去竹榻枕書  
眠多少名園記空留花鳥傳二吾不如老圃君其  
問水濱前溪采蓮曲小徑杖藜人白日陶潛夢西  
風庾亮塵何當乞妙手箕笠畫垂綸三更欲尋魚  
計滍無如秋水間不知濠上樂且就竹林閑晞髮  
隨斜日楮願望遠山浮歸莊水哉軒次韻之子投  
簪早田園信樂哉居  
雲千萬里只有鳥飛還  
惟營水榭夢不到金臺雄筆凌雲賦奇  
懷問月杯門庭無雜客幾度杖藜來  
曾教我材與不材間馬走終年苦魚游盡日閒琴  
書非捷徑袍笏亦溪山應有求羊侶誰能絕往還  
**施閏章**盛年名早達豈合老江濱聖主嗟才子浮  
生託醉人狂矜流水曲懶奉屬車塵誰念  
羊裘客愁**毛姓**東城環隴畔北柴傍湖濱金谷園  
來罷釣綸中酒藍田莊上人雲漢常帶雨日  
隙不流塵處處蓮  
唐滿何從下釣綸  
**宋曹**一池林影白松栢總鬢然  
隱躍魚龍夜蒼涼雁鷺天

高城吹笛散飛閣抱雲眠  
俯仰應無愧名軒自可傳  
**余懷** 遂初堂在否亭子  
澗之濱琴酒消長

日江山老恨人何年開綠野此地隔紅  
塵家有礬溪叟朝朝垂釣輪  
**吳綺** 憶從  
甘泉

日君曾識怪哉如何元幹  
留詩卷江山入酒杯  
鄰吾有意開徑或能來  
**陳**

**菁** 作榭全臨水洋洋洵美哉  
樓臺日永書盈案花開酒滿杯  
期君同簡率得  
怡宜環竹樹無用起

暇好  
頻來  
**陸壽名** 沼苑吳中盛斯園近自然  
地只有水雲天玩物觀魚樂  
忘機狎

鳥眠孟公今好  
客投轄夜來傳  
**張季琪** 濯纓終有地  
心在五湖間  
坐此一亭水蕭然萬象閒

鳥啼清晝樹人見夕陽山  
真欲同漁父花源得往還  
**彭行先** 籍籍名方遠  
樊何矯然人尋  
脫

池上竹魚樂鏡中天停樹  
書社老眼閒情多賦咏  
點筆即馳傳  
**歸允肅** 架木  
園亭

立遙疑是澗濱清風徐拂座  
山林逸都無市井塵烟波同浩渺  
我亦夢垂綸  
**陳**

**騶** 抽簪嗟壯歲結隱古河濱  
樹人更隣佳子弟不涉世  
風塵臨水樽常在  
閒



來乞半綸

**及丹生** 滄浪亭一曲間在五湖濱白社逃禪客清江濯足人竹邊初遇雨林下淨

無塵向晚添幽

**蔣德峻**

名淨維摩詰詩窮孟浩然小營山水窟新闢鳥魚天

梨雪春將老松風我欲眠素心原寡和韻事任流傳

**徐晟**

亂竹千竿外疎林三徑間江山留屐

齒猿鶴自清閒劒舞雌雄夜花開大小山高陽能結客爛醉後忘還

**宋實穎**

我亦尋幽去秋

來輒惘然雲垂綠線柳波漾碧藍天白石扶携坐紅橋欄醉眠葑溪車馬客蔣徑一時傳

**陸志**

**熙** 美爾懸車早高歌亦曠哉城中面田野水底出樓臺賓客淵雲筆招尋稽阮杯名山須不世豈

蜀賦歸來

**吳藹**

慢卷明城堞筵開照水濱雨淡魚漾子風過燕宜人自得臨濠起曾無近市塵

看今豪氣在容易草投綸

**曹基**

勝地無逾此名園有是哉蕭疎成結構點綴半池臺往事看雲

影閒情付酒杯嘯歌殊自適裕客不須來

**曹林**

幽柄誠暇豫託興竹林問老我十年夢來偷半

日間敲棋驚睡鶴把酒望秋山不覺忘身世浮雲自往還

拙政園故大弘寺基也其地林木絕勝有王御史者  
侵以廣其宮後歸徐氏最久兵興爲鎮將所據已  
而海昌陳相國得之內有寶珠山茶三四株交柯  
合理花時鉅麗鮮妍紛披照矚爲江南所僅見

吳偉業

咏拙政園山茶花拙政園內山茶花一株  
兩株枝交加艷如天孫織雲錦頰如姍女

燒丹砂吐如珊瑚綴火齊映如蟬竦凌朝霞百年  
前是空王宅寶珠色相生光華長養端資鬼神力  
優曇湧現西流沙歌臺舞榭從何起當日豪家擅  
閭里苦奪精藍爲翫花旋拋先業隨流水兒郎縱  
博賭名園一擲留傳猶在耳後人脩築改池臺石  
梁路轉蒼苔履曲檻奇花拂面樓樓上朱顏嬌莫  
比千條絳蠟照鉛華十丈紅牆飾羅綺鬪盡風流  
富管絃更誰警眼閒桃李齊女門邊戰鼓聲入門  
便作將軍壘荆棘從填馬矢高芥斤勿剪鶯簧喜  
近年此地歸相公相公勞苦承明宮真宰陽和暗

迴幹長安日日披薰風花留金谷遲難落花到朱  
門分外紅獨有君恩歸未得百花深鎖月明中灌  
花老人向前說園中昨夜零霜雪黃沙浙浙動人  
愁碧樹垂垂爲誰發可憐塞上燕支山染花不就  
花枝殷江城作花顏色好杜鵑啼血何斑斑花開  
連理古來少並帶同心不相保名花珍異惜如珠  
滿地飄殘胡不掃楊柳絲絲二月天玉門關外無  
芳草縱費東君着意吹忍經摧折春光老看花不  
語淚沾衣惆悵花間燕子飛折取  
一枝還供佛征人消息幾時歸  
**顧沂**城隅喬木  
到遊人互往還一帶粉垣遮絕澗四圍奇石似深  
山綺羅叢裏花香合絃管聲中鳥語繁知是昔賢  
歌咏地風流  
**沈朝初**煙鎖城隅路名園花鳥繁繡  
今日許追攀  
衣曾駐憶黃閣舊開樽怪蔓  
蟠雲古喬柯翳日昏盛  
**王輅**柳絲嬾嬾映樓臺隔  
衰經幾變薄醉與誰論  
水參差林岫迴坐久  
凭闌花正落夜深吹笛月初來  
又傍巖跨澗架迴  
廊綠樹紅樓面  
面藏不是桃花勾引甚如何仙境  
有漁  
**張霖**山茶花下接新歌  
歷歷鶯聲奈爾何  
郎聽徹天風海濤句十分重碧瀉紅皦

陸墓去齊門外六里許相傳唐陸宣公葬此故名墓

在下塘極北

向有塔院太宰吳一鵬塑像焉後爲僧鬻工部張問之來吳追復之重修

題其堂曰仰賢今廢順治戊子秋余與金俊明孝章楊補無補方夏南明倡南字韻詩於陸塘寓齋

遠近和者幾

及二百人

錢謙益

陸宣公墓道行延英重門晝不開白麻黃閣飛塵埃中條山人叫閨哭金吾老將聲

如雷蘇州宰相忠州死天道寧論乃如此千年遺  
櫬歸不歸兩地孤墳竟誰是人言藁葬留忠州又  
云徵還逐故丘圖經聚訟故老闕爭此朽骨如天  
球齊女門前六里路蕎麥茫茫少封樹下馬猶尋  
董相陵飛鳧孰辨孫王墓青草黃茅萬死鄉蠅頭  
細字寫巾箱起草尙傳哀痛認閉門自驗活人方  
末貞求舊空黃土元祐青編照千古人生忠佞看  
到頭至竟延齡在何許君不見華山山下草如熏  
石闕豐碑野火焚樵夫踞坐  
楊炤

陸墓望齊門外  
路陸贄有高墳

見說衣冠葬難尋碑碣文荒祠無敗壁古木失千

雲魂魄猶依此空煩托使君蔡碑未年公曾此地

不果又嘉隆年住此江來淑自清祖父骨埋茲反

葬有遺命先歟敦敦遠勒銘無愧辭孫大宗伯照龍

此文一鄉安宅里百世奉家之丁觀旂九日同楊潛

祠故國宗風厚孫曾其念之夫酒罷散步

因拜陸宣公墓不須嗟獨酌有客共登臺令節尋

萸菊孤墳沒草萊悲秋無限意予古有餘哀朽骨

猶爭重延張大純相業寸心灰投荒萬死路

齡安在哉張大純叢殘馬鬣封疑有風雲護

祇園在白蓮寺北里許相傳為紅後更為園居易姓

不一康熙戊午金閫陳室鄭氏法刻旂檀聖像購

斯園供奉請童碩宏禪師主之時正營大殿遇荒

靈巖席來此得竣其業師

勒有四建祇園大殿碑記

釋本宏吳國蓮華寺為園已寂寥闕殘幾片石錯

落數間寮鑿岸通池水接人設板橋暫來

投破笠物外得逍遙又一從謀野處漸喜遠塵忙  
 身老宜閒散情空合混茫高梧蔭井冷小雨歇荷  
 香飲啄外無事  
**楊炤**祇園童和尚分惠洞庭蓴菜  
 石旁坐日長  
 老五湖未嘗識蓴菜少讀張翰傳早已留意內如  
 何鬚眉白洞庭阻汪歲陸二擅濟勝策杖登臨再  
 蓴羹宜久嘗况乃宿世愛陡聞小祇園此物適見  
 賚投袂過草堂請得一盼睇呼兒急進羹肥滑箸  
 不耐兩盃頓時盡故作貪饕態猗嗟其味美羊酪  
 豈流葷雞燧及麻姑庶或可作配吳儂習腥羶此  
 物竟茫昧垂老食指動因緣固有在恨不僱長年  
 時弄輕舟載童公持金杵衆生大春確不遺門外  
 漢有心示玄誨貽此作醍醐灌頂  
**徐崧**丁卯宿祇園賦贈童  
 醒昏憤何當味無味其味更萬倍  
 和尙爲愛閒園勝支公作退居溪通池水活門入  
 逕橋虛繫艇窓前樹揮毫石上書安能常到此相

對話  
樵漁

平田禪院舊名放生池在祇園東北順治初僧古心

蘇州募織造周工部天成創爲藥樹放生池旋請

靈巖繼和尚說法於此易今名委法嗣麟乳禪師

主持續建大悲殿繼和尚法偈云陸塘州火萬家稠耕稼陶漁事事周東舍西隣

朝夕見他人舉手我低頭只這是莫他求佛祖無

過老實休野色喜無山隔斷何須更上一層樓又

大悲殿壁砌文衡山赤壁賦真行千字文石刻

張大純過平田禪院觀蘅山先生石刻衡山字字有波瀾石碣應從壁上觀爲語龍蛇莫漫

去放生池內海天寬白蓮寺在齊門外六里陸墓鎮吳赤烏十年僧了然

建後燬僧法雲一作榮重建明洪武三年僧證果法

圓重脩弘治間圯有善福道瓊者更加建葺吳寬

有記

內有宋朝卧佛名筆其軸尚存

順治十三年寺僧鏡月一葺

志作一

一音重建大殿康熙廿六年

七月十一日大風雨山門

倒子因

乘戒靈巖領職祇園受童和尚記

募建山門及天王殿鑄

大鐘

一音慧傳協募

吳寬

煥然華構已增修檀越金多手自投徐崧

白蓮山門爲風雨所倒口占名藍盡說赤烏年爲募

華嚴庵在白蓮寺東北里許古巷

巷今廢爲田野自有庵來居者僧巫

雜繼常作申明亭嘉靖二十八年圯僅存者僧圓明守之萬曆初僧如宗

來自南京

天界寺鼎建殿宇像設畢備勒有禮部侍郎韓世能

隆慶戊辰碑記後復廢康熙癸丑延澹庵昱禪師駐錫



## 乙丑歲擴地重建

**楊焯**

贈澹公澹公真澹然窮年不輕出不出元不  
饑澹然以終日如何諸釋子栖栖似禪蝨所

得亦一飽相爭如蚌蟬何如澹公安閑閑對經帙  
翠竹近千竿踈風自蕭瑟前日梅花開思我來靜  
室問公何念我公言愛真率居士大撫掌道俗心  
腸一如人敬信公公豈有奇術又期我明月夜來  
此作信宿此與正不淺恰得吾心曲吾既不喜睡  
公亦暫闔目四更起煮茶風露滿溪竹五更聽梵  
唄清音儼幽谷公言朝課誦必須日未旭若迨  
天既曙鐘磬聲亦俗聞言急下拜不啻公翹足

**烏鵲橋在縣治東古有烏鵲館故名唐白居易有烏**

**鵲橋紅帶夕陽之句**

**楊備**

月滿星移水照天南飛烏鵲影翩翩  
雖然上屬牽牛分不爲牽牛織女填**高啓**  
烏

南飛月自明恨通銀漢水盈盈夜  
來橋上吳娃過只道天邊織女行

北禪講寺在齊門內晉戴顓宅也唐司勳陸郎中居

此後以爲寺稱北禪院唐名乾元

吳郡志云乾元寺唐有之今不

知所在然顧况以乾元寺爲晉戴逵宅而皮陸集又以北禪爲戴顓宅據此則今北禪卽古乾元寺

也宋祥符初賜名大慈元祐間法智三葉孫梵公

主教席頗著靈異宣和末始卽寺西偏爲禪觀之

所無量壽院建炎燬濛公嗣爲法主發願起廢皇

慶初天泉澤公命其徒德普興葺得陸應祥夫婦

捐資重修

應祥字君雅普在俗時常父事之有黃潛北禪寺觀堂記

明洪武中

重建景泰六年重修佛殿

卓禮有碑記

崇禎間天童密

老人憇錫

時出天童養病於此值誕日衆請上堂有法語勒碣砌壁

十四年三

峰漢禪師結制

時文文肅公護持

十七年三昧律師說戒

刻有北禪同戒錄

衆姓重建大殿寺舊有觀堂大通閣趙

松撰碑記并書

雨華堂

天泉說法所致

禁蛙池

淨梵止觀以殊點蛙使之不鳴

皮日休

遊北禪寺連延花蔓映風廊岸幘披襟到竹房居士卽今開梵處先生曾是草玄堂

清尊林下看香印遠岫窻中掛鉢囊陸龜蒙寒夜

今日有情消未得欲將名理問恩光

日休訪寂上人月樓風殿淨沉沉披拂霜花訪道林鳥在寒枝棲影動人依古堞坐禪淡明時尚阻

青雲步半夜猶追白石吟自是釋來復寄北禪佑

海邊鷗伴侶不勞金偈更降心

初應高僧召雲霞剪作佛袈裟草座長年靜結腳禮罷六時天送供講來三藏雨添花象龍曾赴高僧會羊鹿誰乘稚子車隨處溪

山可埋老不愁無地布金沙

釋德祥送北禪講

相見雲鶴兩閒身共愛青蘿寺俱爲白髮人楚江花後列吳苑雨中春今日因師去尊鄉夢又新

寶光寺初在婁門內漢陸績捨宅建有鬱林石

今移置蔡

院前

吳赤烏間賜額宋紹興間僧蘊仁元至正間僧

紹隆先後重建洪武中開拓郡城卽寺爲軍營遂

廢其後普熏庵僧善識捨本庵地改建今跨塘橋

西賢首湛源圓居此永樂初楚蘭馨繼之九年大

楨大衍重修

楚蘭在京請學士曾蔡爲記

康熙甲辰唯一道人

通瑞重修

楊循吉蕪州府纂修志畧云公家婁門之內臨頓里之北石留民家埋沒土中

僅露其背弘治丙辰御史胙城樊君祉按吳中命知府縣令督役夫曳置蔡縣之側作亭覆之名曰

廉石吳寬有記

張大純

鬱林石陸績家吳郡廉名誦不休鬱林歸過海巨石壓輕舟歲久埋墻下官清徒道

周竿旌多過此欲使効前修 **吳林**廉石行君不見鬱林太守史稱賢金珠不載載石還航海

歸吳恐顛覆載將巨石知其廉公居城東臨頓里清名至今在人耳石留民家歲久湮過者猶能識

其址誰使此石出泥中繡衣御史推樊公表揚先哲急移取役夫曳立官牙驥齋東建亭鐫字示臣

節說者如蟻足不絕口碑傳誦非徒然志士摩挲心獨折嗚呼聞說南中有貪泉較之此石誠天淵

試令墨吏坐其下能不頹顏俛首思其愆

**勝感寺**

今名接待寺

**在婁門外宋嘉定間淨梵法主卓錫**

**之地永樂中善世溥洽**

號南洲

**重開山後明義頓**

有字

**及淨滋**

字道芳

**相繼修之**

正統初遭回祿張益作募疏劉宗文捐助有義

頓及淨滋兩碑尚在

**今康熙初郡戍進士蔣德峻損資重**

**建**

**姚廣孝**

玄音堂道本靜中心秋潭皎月沉無言得真趣何用覓玄音含暉樓樓高通層雲遙

瞰東湖境香斷客不來斜陽半簾影挹清閣虛閣映連漪祥龕隔蕙帷夜寒淡雪裏正是挹清時止

息齋悟得西來意高齋閉止息欲語衆人知流雲去無跡雲淡處靄靄復冥冥晨昏不斷生欲尋支

遁宅須待有鐘聲一掬軒蕉葉度窓陰池春綠漲淡誰將一掬水大地作甘霖松花室翠雲壓真松

涼影涵花堦書靜鳥聲幽風窓墜晴雪聽聞室誰讀貝多文踈簾捲夕曛臨來無得說江上冷秋雲

**徐崧**

戊午三月三日同俞無殊散步西園因傷潘江如梅杓司至晚過婁門接待又傷蔣葶庵

作春暖天青日氣紅偶遊精舍至城東飄搖孰信幡非動淡泊多言色是空花藻慣舍初夜雨柳條

偏惹一溪風故人踪跡今何處多少消歸淨域中戊午夏過接待有感寺名猶不改底事客單空破

衲懸枝上殘碑臥草中水流城影動天釋慧隆戊辰

暑月光紅寥落何人住悲心憶蔣公孟夏進勝感方丈懷蔣公遜護法作巍然古刹啓通津爲感重修憶故人黃甲蚤登才子貴白蓮先

種覺花新一生敬信惟依佛頻歲飢荒在張大純

球民何但赤心存勝感知君處處施淡仁賦贈接待待雪平禪師善世開山處處蕭蕭祗樹林白雲秋水遠黃葉寺門淡張疏碑猶在姚詩志可吟

不須愁冷淡於此暢玄音

### 永寧庵在婁門外永寧橋南康熙間僧隱巖募建

徐崧

戊午夏同戴耘野潘次畊過宿賦永寧橋畔路惠遠志無窮爲惜叢林爽來興土木功亂

鴉歸暮雨雙燕語東風不獨安雲水高眠我輩同五月十日同耘野次畊佩玉宿永寧庵去住寧能

定還家任此身花谿城尚隔竹院話方新偶爾同禪客翻私誰先識主人扁舟投宿夜風雨未迷津

十一日永寧庵俟次畊歸舟不至同耘野作靜坐俱無事精籃倚碧虛梁泥喧紫燕池草啞青魚小

兩晨齋後斜陽午夢餘歸戴笠同雁庵次畊問津心如未起天地一蘆盧宿永寧次雁庵韻

逢僧南郭外殊似舊相親冒雨過婁水歸舟濕角巾喜安居士榻吟共故鄉人自是雲淡處何須更

津問

**慈泰寺**

亦稱王路

**明萬曆初僧心光建賜額**

并賜藏經管志道記

**康**

**熙間僧德濟重修**

金之俊記二十二年茶商寓寺失火經閣燬

**吳璟**

丁巳暮春同驪庵子蕃野步過慈泰寺歸飲羣昭齋中作雨後郊行好山光漾淥波邀朋

來水寺置酒俯烟蘿坐惜春將盡還驚日又過吾儕高興在秉燭夜如何

**積砂**

費氏洲名

**寺延聖院**

舊額移此

**在陳湖北宋乾道間僧寂**

**堂建**

有大藏經板實祐間火咸淳間復建釋圓至記

**明永樂間智端重修**

**吳寬**

過積砂寺日斜湖上過野寺倦登臨老樹風聲合頽垣雨跡深蛟龍潛近浦鳥雀避叢林

不見筠溪叟

**沈周**

雙幢落日倚漁汀北下孤舟此暫停野客偶驚雲外大老僧隨

掩石邊經沙洲古樹藤蘿紫寶殿遺基薺麥青今夜試留湖上枕疎鐘高浪不堪聽

丁巳月長洲



湧泉庵在虎丘後過新塘橋西北半里本承天寺退

居別業初建時勸潭化灰而泉湧因鑿爲池故名

內有月滿樓

池在樓前

清足堂翠竹軒先是青印法天

鼓震兩禪師俱憇錫於此康熙庚申崇明令朱公

購以供蜀夔州山暉浣禪師

三公俱浮老人法嗣

山公歿卽

於庵西北建塔其徒先民潔庵元樸仍居焉

徐崧

題湧泉庵呈青印禪師

砌石山根似停泓水

池淡月映廊倚闌塵

張大純

卽此閒庭內無非芳樹林高僧纔可住遊

女不容尋石草垂書帶松風度

朱埴

偕李曾志過湧泉庵

探幽入階除翠幾重臨池百花裏登閣萬山中亂  
葉繁霜圃寒流響夜春長過不厭數來往自乘風

天宮寺在城東北隅初名武平剎自晉末後廢爲民

居唐景福五年光祿大夫許台捨宅僧了然一作淡然

建改今名明永樂丙戌僧嗣順重修正統間弘演

禪師發地得鐵像二因剎說法堂卽藥師殿景泰辛未

建大殿弘治間天王殿圯僧宗潤修建萬曆十四

年僧通泉從萬壽移居修殿裝像康熙七年天王

殿又圯九年僧宗如重建寺僧以戒律詩文著名者爲聽源月江印宗水

知慧川萬峰玄若歸繼登有七高僧傳

陸容留天宮寺間遊幾日住天宮窘步西齋雨又風睡起床頭書帙亂興來牆角酒瓶空漠漠

野色迎寒碧狼籍春痕弔落紅別後只應如杜老袈裟棋局念旻公再至和前韻此度停橈入梵宮

橘花香裏坐薰風閒心頗爲江山奪實理原非夢幻空雲隱小窻禪榻靜日斜溪殿佛燈紅留題欲和鴻泥句誰復

**文徵明**

贈月江月印千江不盡流

才情似長公

色金精溢散却寒芒玉氣浮萬頃不波天在水一塵無染鏡涵秋道人悟取原來性滿目風烟一釣

舟 **僧萬峰**

贈陶庵居士閱華嚴大典娟娟翠竹滿庭除相伴先生讀楚書帝網山河羅淨

几毘盧樓閣在齋居月懸道樹明諸地風裊雲幢舞太虛閱編善財參歷處落花啼鳥總真如 **僧**

**玄若**

溪行卽事自得孤雲意遂爲溪上行閒看飛瀑影忽送過灘聲漁網夕陽靜人家秋樹清

沙鷗相顧起

**張大純**

善財房題善財此子知何代南詢本性成烟波遊海邑樓

閣接天春白足蓮華湧青衫貝葉新不知緣底事見爾最情親

**徐崧**

甲子新正同宿蒼舒潘雙

南過天宮寺善財房訪聖齊上人因讀蒼舒元旦詩誰挈良朋茂苑東果然清淨似天宮連珠燈是

長圓月繡錦幡垂不動風室護叢蘭無凍色龕遺塑像有神通相逢愛誦年豐句雙鑠偏輪鶴髮翁

金幢庵在南倉橋東北順治己丑印持聞法師購建

崇禎中爲許方伯石虹園內有三層樓及池臺花木或言是七塔寺外院廢址印公與法弟湛門分購居之印持名溥聞吳縣人出家西禪寺傳衣於中峰蒼大師

釋讀徹

年過印持首座金幢庵題贈桃花落盡不知

詢捨宅再來緣樓高雙塔三天外城俯長洲萬戶懸豈似銅駝荆棘裏石羊滿地牧雲眠

徐崧

印公演瑜伽於金幢庵誰識金幢路開

密藏啼鳥庭溪積落花瑜伽當暑夜甘露酒天涯

雨阻金幢庵一從醉裏別袁安便宿招提路不乾

桃色似分春氣早鴉啼偏帶雨聲寒山中花落移

吟社池上雲橫隔講壇縱有高樓堪極目臨風無  
柰客衣單又霏微曉雪冷難勝滴瀝春霖出未能  
泥滑驛亭騎馬路水沉沙渚釣魚罾虛堂靜坐同  
諸佛短榻孤眠伴一燈爲約故人天色霽賦詩樓  
上最高層宿金幢庵華閣臨問巷祇園戶未扇霞

飛雲漸白燈靜火偏青月去庭陰草烟  
籠樹杪星倦來先就枕童子誦金經

金井庵舊爲銘心庵在齊門內

亨字四圖

元至元四年建

後廢尚遺三普同井明嘉靖癸卯僧祖曉

卽馬道人

法

志

道人

重建因井發金光易今名內有白業堂

馮時

可撰碑記

康熙間巨源

林老人法孫

栗庵

具禪師法嗣

二禪師相

繼懃錫癸亥夏祖曉後裔完玉道中師徒復住

釋濟乘

徐麗庵居士兩阻金井庵同賦別後三年兩鬢霜與君剪燭話空堂徧憐一夜西風

裏落盡芙蓉菊未芳又幾間破屋逐溪開半是殘花半蘚苔風雨縱橫留客坐不妨高詠共徘徊

徐崧

丙辰秋兩阻金井庵同粟庵禪師賦昔傳金井放金光古栢猶存白業堂今早起來塔下

立滿庭黃葉豆花香又本訂吳山作勝遊誰知此地却淹留大潮申月都曾見一任淙淙雨未休

獅子林在城東北隅元至正二年壬午天如則禪師

倡道之地

至正十四年甲午歐陽玄獅子林菩提正宗記云地本前代貴家別業師門人

爲其師購建者也有竹萬竿竹外多怪石有狀如  
後貌者且師得法普應國師中峰木公中峰倡道  
天目獅子巖故識獅子以見不忘其所自因地隆  
阜者曰山山有石崛起者曰峰曰含暉曰吐月曰  
立玉曰昂霄其中最類後貌者曰獅子峰其磨  
有文以識立玉峰前有舊屋遺墟容石磴可坐六  
七人卽其地作棲鳳亭昂霄峰前因地窪下澹爲  
澗作石梁跨之曰小飛虹他石或歧或蹲狀類後  
貌者不一故曰林也寺前後左右竹與石居地之  
半然而崇佛止僧延賓香積祠舍館厨悉脩安禪  
之室曰臥雲傳法之堂曰立雪舊有栢曰騰蛟今  
曰指栢軒有梅曰臥龍今日問梅閣竹間結茅曰  
禪窩卽方丈也上肖七佛下施禪座間列八鏡光  
相互揖外門扁曰菩提蘭若師姓譚氏吉之永新  
人遁跡松江之九峰間十有二年道價日振帝師  
與以佛心普濟文惠大辨禪師之號兼與金闍僧

御製衣有楞嚴會解語錄  
別錄刺語若干卷行於世

十二年賜額菩提正宗

寺倪高士瓚曾過之愛其景爲之繪圖兼有詩至  
明嘉靖間廢復爲貴家所得萬曆二十年僧明旌  
具奏追復一隅敕賜聖恩寺額藏經全部重建普  
光明殿順治八年住持海翔甬東居士陳大賢領  
衆重修建藏經閣

釋維則

卽景詩四首半簷落日曬寒衣一鉢香羹  
野蕨肥春雨春烟二三子水西原上種松

歸又道人肩水灌畦蔬托鉢船歸粟有餘飽飯禪

和無一事遠池分食餵遊魚又臥雲室冷睡魔醒

殘漏聲聲促五更一夢又如過一世東方日出是

來生又竈兒澆夜誦蓮花月度墻西檜影斜經罷

轆轤聲忽動汲倪瓚過獅子林蘭若密竹鳥啼邃  
泉自試雨前茶清池雲影閒茗雪爐烟裊松

兩石苔斑心靜境恒寂何必月  
在山窮途有行旅日暮不知還  
**陳則**過獅林精舍  
清境超塵俗

松龕映竹開魚驚幡影散鳥聽鉢聲來梵像敷  
蓮座禪宗問木杯山僧不慮世白髮也  
鬚 **高**

**啓**過獅子林兩餘鳥語涼斜陽竹深見頻來非看  
花借讀高僧傳師子林十二咏風生百獸低欲

吼空山夜疑是天目巖飛來此山下  
鞞子演漾弄晴暉江山秋歛霏我吟康樂句日暮澹忘歸  
給

四更棲鳥驚山白初吐月起開東閣看正在雲峰  
缺靴月堂前參未退立到雪深時一夜山中冷無

人祇自知雪夕臥白雲冷朝起白雲開惟有心  
長在不隨雲去來雲問春何處來春來在何許

月墮花不言幽禽自相語阿梅清陰護燕几中有  
忘言客人來問不應笑指庭前栢栢相一鏡寒光

定微風吹不波更除荷菱影放取月明多漚龜圓  
甃夏生冰光涵數星冷慮有定中僧休牽轆轤纒

林壺翠羽落經床林鳩午鳴後笋出恐人來編籬  
遮谷口繡竹初看臥波影應恐雨崇朝過澗尋師

去端如度石橋虬飛渾沌復輪囷全無  
斧鑿紋門臨五湖水坐納四山雲馱石  
**徐賁**獅子林竹



下偶詠客來竹林下時聞澗中琴經房在幽

竹庭戶皆春陰孤吟遂忘返烟景生逾淡

王彛

竹谷幾曲轉逶迤月明人跡稀長林秋露落一犬

吠山扉臥雲室秋潭看月還片雨千山暝獨有鉢

中龍蜿蜒伴僧定指栢軒行道出淡樹空庭秋殿

然風來人不見青子落僧前問梅閣窓間月色微

薄雪自風吹誰得春謝徽禪高陰壑寒猶闕空山

消息南枝定北枝響已沉白雲無路入禪

向定中淡臥雲室朝臥白雲東暮臥白雲西白雲

長共我此地結幽棲雲林竹風葉響秋林烟梢帶

夕陰美人離思姚廣孝無地堪逃俗乘昏復到林

遠湘水夜來淡姚廣孝半山雲遇磬淡竹雨留禽

觀水通禪意聞香去染心張大純過獅林寺有感

叩門驚有客想亦爲幽尋張大純當日天如至師

峰石最尊禪窩穿月窟法座駐雲根莫怪飛

虹小如何玉鑑昏殘僧隨廢圯依舊作隣園朱墳

過師林寺與蔡瞻岷飲樹下宅邊古寺路偏幽爲

訪伊人取次遊青帶遠林新雨潤綠浮芳草晚烟

收透迤西舍清寒月徙倚東臯寂莫秋

携酌相尋來往近閒中時上碧峰頭

佛慧菴在虎丘東隔岸宋紹興間僧無善建中有鍾

秀軒

梁用  
行記

朱隗

初秋佛慧河亭懷家弟望子半塘寺新涼陰  
草樹凭望自多愁兩寺孤吟隔千林一葉秋

晚烟分粥磬細雨鬪泥舟  
却憶同岑寂篝燈水次幽

張澤

同衍波聽雲虎丘  
後溪泛舟因過佛

慧菴細雨終殘日聲過落雁初柳長門未暗梅散  
棹能疎斜港鄰分火寒村晚借蔬沿洄愁易盡燈

火及林廬與雲子衍波庵中夜坐松古徑難眠悵  
然山月光起行棲鳥散雜坐野橋荒良友懷中事

寒林夢裏霜十年踪  
跡異今夕可能量

徐松

癸亥春蛤庵和尚慈錫  
佛慧賦贈此事何時不

舉揚迄今鐫記下文長  
桂不待秋來已自香又塚樹園花夾路春虎丘鶴

澗隔溪鄰空堂一榻雖如舊  
不見當年載酒人

傷同寓唐  
也

元和山居在彩雲里西園之左明天順間道士袁德

良

爲玄妙觀周  
鶴林之裔

築塋於此中爲堂三楹以供北帝

松篁鬱陰鐘簾森列隆慶初道士沈自仁暨丁然

璧張洞雲輩謂堂日圯鳩工新之

有曹魯川胤儒  
重修真武堂記

順治丙戌里人延崇壽觀道士王惟敬

名正修  
本郡人住

持重修真武壽亭二殿康熙戊辰復建玉帝寶閣

秦江

贈王惟敬鍊師斷隴平田樹一叢誰知依倚  
有神宮已飛北極波心劍應御南溟翼背風

小院鶴鳴春雨後孤村花落暮煙中  
王君信是寥陽史不讓還丹只葛洪

徐崧

王鍊師  
建玉皇

閣賦贈聞昔山居勝何人得似袁粉牆高竹徑金  
關奐雲根今古林中塔東西閣外園王喬能繼武

直欲振

張霖

王鍊師重修元和山居并值七十大  
壽贈之勝地獨相招前身王子喬長

天門  
松橫翠靄高閣盡丹霄雲影池邊石林  
陰屋畔喬羣仙何處至跨鶴更吹簫

補遺 曹爾堪

甲辰夏顧松交銓部雅園午集同周文夏侍御沈繹堂副使丁飛濤祠部二首網罟

憐今密園亭向午開玉堂交不淺紫塞客同來直道安三黜驚覓賦七哀暫依嘉樹蔭曲木漫生猜涼渚菰蒲合風廊苗苕輕竹分簣谷翠水割鏡湖清草檄難驅鱣攜壺且聽鶯餘生均足感握手不勝情舟宿滅渡橋幾度平江路孤舟似葉輕亂帆收別激病馬出寒城霸氣千年虎柔情二月鶯驚

意猶未定敢

徐柯

依國社集分賦妙嚴臺用坡公海州石室韻吾歌妙嚴臺妙嚴

臺在何處地近閩丘古坊路灌叢與草弗不行颺颺啼煙鴟嘯雨故老相傳土骨堆下有玉鳧金鴈時出光怪迷年數金粟山人亦好奇慚荒剗穢來啓宇洞壑豁衍翁蔓除一丘突兀知誰墓夾以怪石雜妍卉酌以茗汁兼椒醕謚以翻開百尺之嘉名實以蕭梁萬乘之貴主影扶雲根勢最高珮聲粲髯臨瓊戶晝賞宵升花月中硯匣隨身兩侍女搔首驚咏玄暉詩振衣狂作青海舞每登刻燭儻詞流別欲壘麴困酒伍疑君前身沈亞之雅能痛峭妙茹吐隱隱蕭蕭聞羸女吹冷泠瑟動湘靈鼓高

高下下勝絕吳暮暮朝朝雲似楚妙巖臺妙巖臺

正悲歌起山家小兒攘臂時危涕汎瀾不得語太

清元元陽九年爾來一千一百四十許乾坤慘黯

幾銷沉何獨玉顏爲黃土吾思歌風隆準翁吾思

凌歊寄奴祖那用薄心腸老公且憑君飲忘

今古裂幘拾謁倘可期反裘垂竿未遲暮

**惠周** 東城水莊贈張日容紅橋綠樹接澄潭巷北君

**惕** 居我巷南月上疎簾邀共坐花明秋寺喚同探

杯分竹葉三升酒梓餉園蔬一味甘

但使心期常不負鴛鴦鱗腐鼠總休談

**徐昂發** 天申 入都射策明光終賈年翩翩遠騎暮春天楊花千

里杯中雪芳草三停雨後煙海內寄軀尋俊傑酒

酣落筆擅山川君行若憶江南客鴻取松風石上

絃次惠元龍韻贈日容策策西風葉滿潭安排下

澤老江南十年皂帽人都棄九日黃花獨自探酒

墨疎狂悲昔昨屠門大嚼笑肥甘季真死後風流

絕我欲呼

**張大受** 次元龍見贈韻子雲寂寞老江

卿聊一談 潭最喜風流近舍南紅豆按歌

邀我聽黃花攜榼從君探菜名似疾難爲美閒味

如茶最覺甘怕礙當時牢閉口每來文字不妨談

**韓炎**

陸魯望宅幽居賦就與何如好傍城闌小結廬地接虎丘時蠟屐門臨鶴市滿中車夾窻

雲度翻書潤曲水風來散髮疎更喜招尋皮從事日供杞菊笑相於

**張涵**

文星閣文風吳地盛

光耀動寰區傑構凌千仞高標映九衢象垂東壁

麗名與北辰俱沐浴殷周化甄陶鄒魯儒陳書等

弘壁較藝獲隋珠遇合終非遠淵源定未殊學山同仰止藝苑共踟躕翹首情何極懷珍世所需

**汪繼燦**

前題峻閣凌空起登臨實壯觀宮牆千載重雉堞萬家寬淑氣歸桃李長風送羽翰

文星照吳地

**沈文標**

前題閣檻凌雲面面開何因遙在五雲端

學因有星光接上台

**汝周錄**

前題傑閣矗雲根城東此最尊烟明鱗萬瓦山暗罨千村鴉背

斜陽夕隴頭秋黍繁一聲清磬外幽賞欲忘言

**吳廷和**

前題吳地多巖壑茲地獨軒敞文峰

占離位卓立共瞻仰層構凌青霄登臨見堦爽學舍繞清渠疎花映林莽昔賢風流長來者亦堪獎

披文見理奧奇字互欣賞

庶爲千載期憑高結遐想

張肇暉

金閨早發射瀆亭前曉月斜孤蓬雙葉任  
嘔呀烟開楊柳見漁舍露浥茶蘼識酒家

六代人文隨蔓草三吳風景等空花何時重返敦  
龐舊田野無心樂歲華送勇知姪歸里因登半塘  
寺門不盡離情壓小舟登臨送遠更同遊櫓聲撥  
刺客心碎帆影依稀雲影留我在吳門羈粉署子  
歸故里訪丹丘應憐北去風霜苦佇立多時不下  
樓又不堪離別暫維舟仄徑危橋信足遊冷落蒼  
苔古佛在蕭條黃葉老僧留松陰入座看龍甲水  
色浮空蘸虎丘雲樹千重人去遠暮烟殘照獨登  
樓白堤春泛細雨霏霏濕遠空青帘白舫畫圖中  
柳絲欲試千條綠梅夢纔舒幾點紅茶鼎香爐銷  
永日菱衣箬笠御輕風江南春色渾無賴牽引鄉  
思似酒濃倍不軒漫題說法會聞一點頭塊然屹  
立幾經秋慚吾潦倒翻思臥羨爾癡頑不解愁風  
雨漫山樹影合烟霞滿壑水光浮生憎士女頻來  
往踏破蒼苔

苔總浪遊